

**TRUTH
CENTERED
TRANSFORMATION**

ORURENGO I



**ENTANDIKIRO
Y'OBUHEEREZA OBWIJWIRE**

EKITABO KY'ABASHOMESA

Empiduka eyemereire aha mazima Ekitabo 1: ENTANDIKIRIRO Y'OBUEHEEREZA OBWIJWIRE
copyright v3.1 ©2012 Reconcile World, Phoenix, Arizona, United States of America.
www.reconciledworld.org

Omurimo ugu nitegyekwa ahansi y'ebiragiro bya creative attribution -Share Alike 3.0
license Noikirizibwa kandi n'ogururwamu amaani kukwata omurimo ugu okagugabira abandi
kandi okagujanjaza ahansi y'ebiragiro ebi:

Okworekyerera-Omurimo ugu notekwa kugworekyerera ekihando eki: Copyright©2012.
Ekyashohozibwa aba reconciled world (www.reconciledworld.org) ahansi y'ebiragiro bya
creative commons attribution ShareAlike 3.0 License. Okumanya ebirukiraho reeba
www.creativecommons.org

Non-Commercial -- You may not use this work for commercial purposes.



Ti ky'okuguzibwa-Omurimo ugu otagukozesa okuronda esente waba nohurira orikwenda
okuhindura omurimo ugu omu rurimi orundi ohikirire aba- info@tctprogram.org

Ebyahandikirwe byoona ebikozesibwe oihieho ahu kirikwereka nibyaiha omu Baibuli
erikwera, empindura ya New International Version, NIV Copyright©1973,1978,1984,2011
ahabwa Biblica, Inc.TM bahirwe orutsya aba Zondervan. All right reserved worldwide
www.zondervan.com hamwe na "NIV" empindura ya New international version
n'ebitongore ebihandikisibwe omuri United states patent hamwe na office ya trademark
office eya Biblica inc.TM

Okusiima

Tinkabaasa kusiima ngu marayo boona abaine okubahwereire omukutebekanisa ebikoreso ebi. Okworekwa oku kukakura munonga ahabw'enyegyesa za Darrow Miller owa "Disciple Nations Alliance" na Bob Moffitt owa "Harvest Foundation." Puroguraamu egi ekatandiika kuteebwa omunkora obunabaire ninkora n'ekitongore ekirikwetwa "Food for the Hungry" – Eby'okurya ahabw'abaine enjara. Nimbasiima munonga ahabw'okunyikiriza nkagyezesa enteekateeka yangye hamwe n'okushagika. .

Omukitabo eki ky'okubanza nyetiirize munonga okuruga omu bihandiiko bya Bob hamwe na Darrow, okukira munonga okuruga omu kitabo - "Development Ethic - Omucwe gw'okutunguuka" ekyahandikirwe Darrow Miller hamwe na "Leadership Development Training Program – Entebekanisa y'okutendeka abeebembezi" ekyahandikirwe Bob Moffitt. Ebitekyerezo ebindi n'ebya Mark Wilson. Omugane gw'okwombuka omugyera omu ishomo rya 8 tigwaangye nk'omuntu, kureeka nigushaangwa omubindi bihandiiko biingi, timbasize kumanya owaguhandikire.

Ninsiima munonga abantu abunkozire nabo okumara emyaka miingi barikweega kandi bakata omunkora ebitekyerezo ebi. Nizo emanzi zangye buzima. Okubarikuta omunkola bakatuha obujurizi nikyo kirikutuma ebi byaabasika, kandi obujurizi bwaabo nibwo burikutuma naagumizamu. Nkyayijuka narukundo mpaago abunabandize kwegyesa. Bakemera akavuyo obu nabaire nkyayega kwegyesa. Kandi Ruhanga akaiha ebyo byanga omubwooro! Eki tikikareka kunyijusya ngi tihabwangye, kureka Ruhanga nuwe yabaire naakora. Ninkwatwaho ahabwokumanya ngu Ruhanga akanyikiria kuba ekicweka kimwe ahamugane gwe ugu, kandi ankoresa n'omubweremwa bwangye. Aheebwe ekitiniisa!

Ekyamuheru, ninyenda kusiima omushaija wangye, ou warakwiire obuhereza bwe kugira ngu akore nanye omuntebekanisa egi. Ahu atari tiharuho ekikabasikire. Nimanya okwefereza kwingi okuyarabiremu kugira ngu bibasike. Mwami niwe muyaga ogurikutwaara amapapa gangye ahaiguru munonga. Ninkukunda

Anna Ho
Mukuru W'ekitongore kya
Reconciled World

Ebirimu

| | |
|---|-----------|
| Okusiima | 3 |
| Ebirimu | 4 |
| Otakatandiikire Obanze Okore Ebi: | 1 |
| Eishomo 1: Ekitebyo kyona | 3 |
| Okutandika | 3 |
| Obuhangwa | 3 |
| Okugwa..... | 3 |
| Ekigyendererwa..... | 4 |
| Omusharaba | 5 |
| Omuheru gw'ekitebyo..... | 6 |
| Okuhendera..... | 6 |
| Eishomo 2: Abantu n'Eky'omuhendo Ahari Ruhanga | 7 |
| Okutandika | 7 |
| Okuhangwa omu kishushani kya Ruhanga..... | 7 |
| Ekyokureeberaho: Ekanisa eya ira | 8 |
| Eishomo 3: Abantu n'Eky'omuhendo Ahari Ruhanga | 10 |
| Okutandika – Kora nk'omubuurizi..... | 10 |
| Ekiragiyo Ekikuru..... | 11 |
| Okukunda bataahi baitu | 11 |
| Omusharaba | 12 |
| Mutaahi waawe n'oha?..... | 12 |
| Oku kiri kukora | 12 |
| Eishomo 4: Luka 2:52 | 13 |
| Eky'okutandikiraho..... | 13 |
| Luka 2:52 | 13 |
| Okukura kwa Yesu | 13 |
| Oku kiri kukora omu magara gaitu | 14 |
| Okuhendera..... | 15 |
| Eishomo 5: Ruhanga naayenda Ekanisa Kuyamba | 16 |
| Okutandika | 16 |
| Shoma Isaaya 58..... | 16 |
| Omwonyo n'omushana | 17 |
| Embuzi n'Entaama – Matayo 25:31-46 | 18 |
| Oku kiri kukora | 18 |
| Eishomo 6: Ni byetengoki ebi turi kubaasa kuyambaho? | 19 |
| Ekirooto ky'omubuurizi Mananu | 19 |
| Ekyokureeberaho ekya: Long na Mai | 21 |
| Obutuuze bwaitu..... | 22 |
| Eishomo 7: Ekibaro ky'obukama bw'omu Iguru | 23 |
| Okutandika: Isaaya 40:29 | 23 |
| "Omwojo na kyamushana ye", Yohana 6:1-14..... | 23 |
| "Omufaakazi n'ebiyokurya bye by'aha muheru", 1 Abagabe 17:7 | 25 |
| "Enfaakazi n'ebinushu bye bibiri", Mako 12:41 | 26 |
| "Enfumu y'etalanta", Matayo 25:14 | 26 |
| Aha muheru..... | 27 |
| Eishomo 8: Okwetegyerereza oku turi kubaasa kuyamba | 28 |
| Okwambuka omugyera | 28 |
| Omukyara Lee – Ebyokureeberaho birungi eby'okuhindurwaho | 29 |

| | |
|--|-----------|
| Ekyokureeberaho | 31 |
| Oku kiri kukora | 32 |
| Eishomo 9: Ebikorwa bya Rukundo | 33 |
| Okutandika | 33 |
| Ebikorwa bya Rukundo..... | 33 |
| Oku ekikorwa kya Rukundo kirikushusha (Koresa 9.1 Ebirikworeka Ekikorwa Kya Rukundo) | 33 |
| Okuta omunkora | 37 |
| Eishomo 10: Okutebekanisa ebya okubiba embibo | 38 |
| Entambwe z’okutebekanisa (Koresa 10.1 Empapura z’okutebekanisizaho)..... | 38 |

Otakatandiikire Obanze Okore Ebi:

Okutwetebekekanisiza okwegyesa eishomo

1. Shoma gye engyendererwaho kyabasika ogidhome emirundi maingi. Ohandike ebyaawe aharabaju rw'orupapura okweyijusa ebintu ebikuru
2. Reebe ebighrndererwa bya bur'ishomo obaase kwetegyereza eki abegi bashemereire kwegu okurabira omw'ishomo eryo.
3. Oshome ebyahandikirwe byoona okubanza
4. Kyebera orebe ni bikozeso ki ebirikwerengwa ahabwa buri eishomo kandi ogyezeho orebe ngu buri mwegi aine eby'okwegyeraho (ebipapura bw'okushoma) kandi ohangeho ebikozeso ebirikureebwa ebirikukozesibwa omw'ishomo.
5. Gyezaho orebe ngu noyrtegyereza buri ky'okukora omw'ishomo (emizaano, ebintu ebirikureebwa) Nobaasa kukikora orikwegyezamu na eka yaawe nginga banywani baawe.
6. Twara obwiire oshabe Ruhanga okutebekekanisa abeegi, abeegi kuhurira eki Ruhanga arikwenda ngu bahurire kandi n'okukwebembera omu kwegyesa amashomo aga. Ijuka ngu n'okurabiira omu Maani ga Ruhanga ngu nitwija kureeba abantu nibahinduka.

Ekirikubaasa kuhwera ahabw'okughyesa gye

1. Oyije kare otebekekanise ebikozeso hamwe n'omwanya ugu orikuza kukozesa
2. Oteiruka okuraba omu byorikegyesa, Tebekekanisa obwiire buri kumara ahabwa okuganiira, eby'okukora hamwe n'okuhumuraho. Ekigyendererwa nokugira ngu abantu batunge obwiire bw'okwetegyereza n'okwenyigira omu kwegu. Gyendampora okuruga omu kicweka kuza omu kindi kugira ngu bury'omwe ayetegyereze. Ebicweka bimwe nibabaasa kuregyamu ekicweka ky'eizooba nari eizoremu enyiima.
3. oba ryoona.
4. Guma nogarakamu. Aha kutandika kwa buri kwegu, reeka ekibiina kigarukemu byoona ebi begyeire omu mushomo, Okugarukamu nikuyamba abantu kwijuka ebi bayegyere.
5. Kuratiira engyendererwaho y'omwegyesa hamwe n'ebihandikirwe omu kwetebekekanisa
6. Gyezaho orebe ngu watamu ebicweka biina byoona omuri buri eishomo;
 - a) Yanjura omutwe – eby'okukora nibyaija kushuganisa omutwe n'ebi barabiremu enyiima
 - b) Hereza amakuru masya – Hariho emiringo maingi eyo'kubuganamu amakuru masya
 - c) Hereza abeegi ekintu ekibayegyere – Eby'okukora nibituma bayetegyereza gye amakuru obwo barikukora n'abandi, okutaaho ebintu nginga okukozesa amakuru masya omu muringo ogundi
 - d) Shuganisa amakuru ago hamwe n'amagara gaabo – Egi n'entambwe y'okuta omunkora erikuhwera abeegi okusharamu emiringo eshoborokire eyibarakozeswmu amakuru masya agy begyeire omu magara gaabo.
7. Garukamu egyendererwaho z'okwegu kw'abantu bakusire hamw n'eyindi myoga eyegyesibwe omu kutendeka abegyesa
 - a) Hereza engyendererwaho zishoborokire
 - b) Buuza ebibuzo baingi ebirikutuma omuntu yashoborora
 - c) Siima abantu ahab'okwenyigiramu kwabo
 - d) Otagambira abantu ekibarikubaasa kwegu gye bakyejumburira.
 - e) Yombeka ahari ebyo ebi abantu barikumanya nagwa orebe n'ebi barabiremu.
 - f) Ogumisirize kandi orindirire abantu okugira eki bagamba

8. Okugaruramu amaani buri omwe omu kwenyigiramu, obubagana n'okuhayo ebiteiso omu kuganira. Ronda omuringo gw'okutuma abantu abeine eshoni kugamba ebiteiso byaabo otarikubashwaza
9. Shaba okuraba omu eizooba ryoona kugira ngu Ruhanga akushuririre ebintu bisya hamwe na abeezi

Oku orikubaasa kukozesa engyenderwaho y'omwegyesa egi

1. Ebigyendererwa hamwe n'bikozeso; Buri eishomo niritandika n'eicweka eki:
 - a) Ebigyendererwa. Abezi bashemereire kuhiika aha bigyendererwa ahanyima ya buri eishomo. Ni kirungi okwebuza yaaba ebigyendererwa byahikirizibwa ahanyima ya buru eishomo. Twra obwiire agarukye omu bintu bikuru okubahwera kugira ngu baijike.
 - b) Ebikozeso. Ebikozeso ebirikwetengwa aha bwa buri eishomo bihandikirwe, harimu n'ebirikurebwa n'amasiko hamwe n'empapura z'abezi kwehyeraho. Nobaasa kusharamu kuhereza engyenderwaho y'abezi ahari buri weena owaija kwega, nginga oyihemu omuhendo mukye nk'oku kiragrirwe omuri bur'ishomo. Nitushaba tuhabura ngu ogire ahokuhanka ebipapura ahokuhandiika nginga orubaho rw'okukozesa omu kibiina kihango.
2. Ebi omwegyesa ashemereire kukuratira harimu eby'okukuratira omw'ishomo okukuhwera kwebembera okutendeka kurungi. Ebi torikwetenga kubibagana n'abezi.
Ebi obisome kare bikuhwere kwebembera ekiganiro hamwe n'emirimo
Ebibuuzo bimwe nibiba byeine eby'okugarakamu okukuhwera nka omutendeki okumanya ebi orayihe omu bezi
Ebi tibyo by'okugarakamu birungi byoonka kureka ni bimwe aha byokugarukamu birungi.
3. Okurinda obwiire hamwe n'enkuratana. Obwiire bwa buri eishomo tibuteirweho.
 - a) Twara obwiireoburikwetegwa kuhwera abantu kwega ebikuru omu ishomo. Nikikuru okufaayo aha ky'abantu barikwega okukiira okumarira omu bwiire.
 - b) Ijuka kusigaho obwiir bw'abagyesa okutandika n'okuhwera, okubugana obujurizi, okubagana ebizibu ebi beine hamwe n'okushaba hamwe.

Eishomo 1: Ekitebyo kyona

Ekirikugambwaho Ekikuru Omu Ishomo Eri

Entebekanisa ya Ruhanga tikureeba omuntu yajunwa kusha kureka naayenda ngu areebe obukwate bw'omuntu bushatu obwashenyukire omukugwa kw'omuntu burikugarukaho – Akakwate kaitu na Ruhanga, Akakwate kaitu n'abandi abantu, hamwe n'akakwate kaitu n'ebindi bihangirwe.

Ebikozeso

1. Ebishushani by'okureberaho:
 - a. 1.1 Obukwate bushatu (Ebishushani bina: Obuhangwa, Okugwa, Okugaruraho, Okugaruka)
2. Omu Kitabo Ky'omwegi :
 - a. 1.1 Engyedererwaho omukuganiira aha Mugane Gwena (kopi emwe buri gurupu, yaaba murikoresa za gurupu)
 - b. 1.2 Omuzaano gwa Adamu na Haawa (kopi ibiri)

Okutandika

OKUHAANA EBITEEKATEEKO OMU EKIBIINA KYOONA HAMWE

- Ahabwaaki Yesu akafa?


Burijjo nitugira ngu Yesu akaija kutujuna ebibi byaitu. Aga n'amazima kwonka Yesu akaija kukora bingi ebiri kukira ahari eki. Okufa kwe aha musharaba n'akacweka kakye aha kitebyo kyona. Okwetegereza gye obutumwa oburi omu Baibuli, nitwetenga kwetegereza ekitebyo ekiri kwiha aha kutandika kuhika aha muheru.

Obuhangwa

OKUHAANA EBITEEKATEEKO OMU EKIBIINA KYOONA HAMWE

Kurugirira ahari eby'orikumanya ahakuhangwa kw'ensi, ebibuuzo ebi okabigarukamu ota?

- Ensi ekaba eri eta omu kutandika omu musiri gwa Edeni?
- Obuzaare bukaba buri buta aha rubaju rwa Ruhanga na Adamu?
- Obuzaare bukaba buri buta ahagati ya Adamu na Hawa? Nooteekateeka ngu bakaba batongana munonga?
- Adamu akaba aine buzaare ki n'obuhangwa? Adamu akaba aine kyona eki yaabaire naayetenga? Akaba aine ebyokurya biri kumara?



Yoreka ekishushani ky'okubanza kuyamba abeegi kureeba ngu omu kutandika obuzaare obu bushatu bukaba buri burungi munonga

Okugwa

Shoma Okutandika 3:1-20

OMUZAANO

Engyedererwaho: Shaba abatu babiri bazaana ogu muzaano. Obahereze orupapura oruhandikirweho ogu-Omuzaano – Akatabo k'omwegi 1.2

"Okugaaniira kwa Adamu na Hawa"

Adamu: (*Obwo nibahinga*) Haawa, okuruga obu twarya ekijuma kiri tukabiihiza Ruhanga, okukora omu musiri kugumire!

Haawa: Buzima, n’aboojo baitu tibakituurana gye, nibatongana, barwana buri kaanya. Kampamyenge ebintu tibiaasiisikarire kimwe! N’obu gaakuba aga mababi gu turi kujwara, nigashusha kubi!!

Adamu: (Arikutongana) Tituri kubaasa bijwaro ebindi, nahabwekyo, otakaayetomboita!

(Ahunamaho) Ninyetenga obwire obwahwaire. Ruhanga obu yaabaire atambura naitwe, akagamba naitwe. Hati naayefuza eki yaatuhangiire. Kandi ijuka oku enyamaishwa zaabaire zitworobera? Hati niziiruka zituhunga ahabwa okututiina!

Haawa: Ego, n’obundi zigyezaho kuturya! eee ii . . . ninyanga enjoka! Obuzibu obu bwona tindikukiikiriza ngu nkatwara obuhabuzi kuruga aha muntu owaabwihire aha njoka!

Adamu: Ngaaha! Niiwe waabureetsire! Iwe tokora bintu bihikire! Ahabwenki naatwaire obuhabuzi kuruga aha muntu owaabwihire aha njoka!

Haawa: Mbweni otaanyekwatsa! Obwe n’obuzibu bwawe! (Ahunamaho, n’obusaasi) Onsaasire, okuyomba tikiri kutuyamba. Adamu, noogira ngu ebintu biryaba nk’oku byabaire biba?

Adamu: Tindikumanya—Ruhanga wenka niwe arikubaasa kubigariza nk’oku byabaire biri.

Haawa: Mbweni—tukoreki? (airuka ari kushohora) Mureke kurwana imwe boojo mwe murekyere aho eshaaha egi! Nimumpurira”. Naaza kugambira sho-imwe kandi taraashemererwe!

Adamu: (Agaruka omu kuhinga arikwebuza) okukora! Okukora! Okukora!


Okurugirira aha muzaano hamwe n’okworikushoma omu baibuli, nibizibu ki ebi abantu barikubugana ahabw’okugwa?

Muri baingi mugaaniire ahari ebi:

- Shoma Okutandika 3:8,10 - Okugwa kukareetaho ki omu buzaare bw’omuntu na Ruhanga?
- Shoma Okutandika 3:12 – Okugwa kukareetaho ki omu buzaare bw’omuntu n’abantu bagyenzi be?
- Shoma Okutandika 3:15 – Hakabahoki omu kusiisikara kw’obuzaare bw’omuntu n’obuhangwa?

Shobooraoroa: Omu kugwa, ekibi kikataaha omunsi, etari micwe mibi yonka, kureka n’omu mitwarize y’abantu. Omuntu atakagwire hakaba hatariho misisa, omwegyemure, ekyanda, n’ebyokurya bikaba biri bingi. Ahabwa okugwa kw’omuntu twine ebi byona.

Okugwa kw’omuntu kukashiisha obuzaare bushatu bwona.



Engyedererwaho: Yoreka ekishushani 1.1 na 2: ohwere abeegi kureeba ngu okugwa kukashisha obukwate obu bwena.

Ekigyendererwa

Ekiri kukurataho omu kureeba obuzaare bwa Ruhanga n’ebi yaahangire, nikishangwa omu kukuratira okugwa kw’omuntu n’okuhwa kw’Endagaano Enkuru. (Yoreka abeegi ekicweka eki ori kworekyereraho omuri Baibuli)

Engyedererwaho: Oborekye ekicweka eki kihango kyabbaibuli eky’orikugambaho

Ekyo n’ekicweka eki Ruhanga ari kuronderaho abantu be. Naayenda kureeba ebyasiisikaire biri kugarurwa busya.

ABURAHAMU - Shoma Okutandika 12:1-3 Ruhanga naimusya Aburhamu kandi amuha omugisha. Ahabwenki Ruhanga naaha Aburhamu omugisha? (Ruhanga naayenda kuha amahanga omugisha) Omu mushororongo ogu, nitureeba ekigyendererwa kya Ruhanga eky’okujuna ensi yoona ari kurabira omu Kanisa. Ruhanga naayenda kureeta emigisha omunsi yoona.

MUSA – Ruhanga akaha ensi ebiragi 10 kwenda ngu tumanye oku twakubaasa kugaruzaho obuzaare obwasiisikaire.

- Ebiragi ebi nibikwata aha by’omwoyo byonka nainga nibikwata aha buzaare bwaitu nk’abantu n’obuhangwa?

Shoboorora ngu ebiragi nibikwata aha buzaare bwaitu na Ruhanga (Okuruga 21:3), obuzaare bwaitu nk’abantu (Okuruga 21:12) n’obuzaare bwaitu n’obuhangwa (Okuruga 23:10). Hariho ebiragi ebiri kugyenderera okuyamba abantu kuguma n’amagara marungi (Abalevi 13) n’oku tushemereire kutwarizana (Okuruga 23:1-9). Ruhanga tarikufa aha by’omwoyo byonka kureka naafa aha bintu byona ebiri kukwata aha magara gaitu nahabw’ekyo nikyo yaateraheho ebiragi ebya buri kintu ekyasiisikaire ahabw’ekibi.

Shoma Eky’ebiragi 28:1-14

- Ruhanga naabuuza ati n’ebiki ebiri kuruga omu kworobera ebiragi bye?
- Emigisha ei Ruhanga ari kuraganisa n’oy’omwoyo yonka nainga n’omubiri?

Ruhanga akaimutsya abakama n’aba Nabi kwonka buri kaanya Israeli ekabonabona omu bworo n’entaro ahabw’okuba bakagomera Ruhanga

2 Ekyobusingye 7:14

- Ni baahi abu Ruhanga arikuragiira kwecureeza bakamushaba? (Tibari bantu boona, kureka abantu be boona – abu turi kumanya nk’abakristaayo hati)
- Ruhanga akagira ngu haryabahoki kubari mworobera? (Ruhanga naija kucungura ensi yaitu) Eki n’ekyamazima na hati. N’obu kiraabe kitari kwetegyerezibwa gye omuri Uganda. Ekicweka eky’okubanza nikigira ngu Ruhanga naija kucungura ensi yaabo.

Eki nikikira aha kureeba amagara nigakizibwa. Eki nikigamba ngu Ruhanga naija kureeta okukizibwa omu buzaare bushatu bwona.


Omusharaba

Eki nikyo kicweka ky’omuhendo munonga; n’ekicweka kikuru munonga omu madiini maingi. Abantu nibashabwa kugira ebi bahonga kushemeza Ruhanga. Omu bukurisitaayo, Ruhanga akakunda munonga ensi, yaahayo omwana we wenka nyamunegyere kufeera abantu.

Shoma Abakolosai 1:19-20 - Ahabwenki Yesu yaafiire?

- Okugarukanisa obuzaare bwona.

Engyedererwaho: Yoreka ekishushani 3 kandi oshoboororere abeegi ngu Yesu akaija kugarukanisa buri kimwe ekyasiisikariire omu kugwa kw’omuntu. Kwonka buri kintu tikiri kwija kubagye okuhisya ekitebyo eki kihwaire.



Yesu akatusigira ekiragiro kikuru. Tushemereire kureeba ngu abantu tibaba bakrisitaayo kyonka, kureka kureeba ngu twahindura amahanga. Okuhindura amahanga nikimanyisa okuyamba amahanga kukuratira ebigyendererwa bya Ruhanga omu myanya yoonka ei yaizire kugarukanisa.


Omuheru gw'ekitebyo

OKUHAANA EBITEEKATEEKO OMU EKIBIINA KYOONA HAMWE

Shoma Okushuuruurirwa 21:1-7

- Aha muheru obuzaare bwa Ruhanga n'omuntu nibwija kuba nibushusha buta?
- Obuzaare bw'omuntu na mugenzi we nibwija kuba nibushusha buta?
- Obuzaare bw'omuntu n'obuhangwa nibwija kuba nibushusha buta? Nitwija kuba twine ebyokurya birikumara? Nitwija kuba niturwara?

Engyedererwaho: Yoreka ekishushani 1.1 eky 4: Okugaruka, kandi obahwere okwetegyezeza ngu Yesu k'arigaruka, obukwate bwaitu bwena buryaterera gyenk'oku Ruhanga yabaire obuteekateekire omukutandika.



Okuhendera

Eki nikyo kitebyo kyona; ekitebyo ky'omuhendo eky'okutandika n'okuhitsya aha muheru gw'oku Ruhanga yaahangire ensi nungi munonga. Oku ekibi kyataahire omu nsi kikashiisha buri kimwe. Eky'oku Ruhanga yaakunzire atyo ensi munonga akahayo omwana we kwenda ngu obuzaare bwona obwasiisikaire omu kugwa kw'omuntu bugarukeho; n'oku Ruhanga arikwija kugaruka eizooba rimwe akagarura ebintu butsy.

Ruhanga naakukunda munonga. Ruhanga akoohereza omwanawe kufa kwenda ngu ogire obuzaare nawe, kwenda ngu obaase kugira obuzaare burungi n'abantu bagyenzi baawe n'ebintu ebi Ruhanga yaahangire.

Eishomo 2: Abantu n'Eky'omuhendo Ahari Ruhanga

Ekirikugambwaho Ekikuru Omu Ishomo Eri

Abantu boona bahangirwe omukishushani kya Ruhanga kandi baine omugasho ahari We. Nitweteenga okutwaza buriomwe, hamwe naabo abarikutwazibwa kubi. Naabo nibhangirwe bya Ruhanga kandi baine omugasho.

Ebikozeso

1. Omu Kitabo Ky'omwegi :
 - a. 2.1 Engyendererwaho omu kuhaana ebiteekateeko(koip emwe buri gurupu)

Ebigyendererwa Ebikuru:

1. Okwetegyereza ngu abantu bakahangwa omu kishushani kya Ruhanga
2. Okwetegyereza ngu abantu boona baine omugasho ahaakuba bakahangwa omu kishushani kya Ruhanga kandi na Yesu akabafeera.
3. Okwetegyereza ngu Ruhanga ku araabe naatukunda munonga kuhika aha kwohereza omwana we kutufeera naitwe tushemereire kukunda abantu abu yaahangire.

Okutandika

Omu bantu baingi, mugaaniire ahari ebi:

- Enyikiriza z'ebiyemitwarize yaanyu nizigira ngu abantu bakaruga hi?
- Ni biiha ebiri kubaho kurugirira omu nyikiriza ezi? Omuntu yaikiriza ebyo ebintu, naateekateeka ngu abantu n'ab'omuhendo nainga tib'omuhendo?"

Omuri India hakaba hariyo omukazi maama Tereza owaateireho amaka kureeberera abantu abaabaire nibafa omu matauni kwenda ngu bafe barimu akarungi. Abantu baingi bakamucwera orubanja ngu India ekaba erimu abantu baingi, mbwenu ahabwenki yaabaire naayamba abo abaabaire nibaza kufa? Iwe nooteekateeka ki? Noogira ngu eki kikaba kiri ekint kirungi ky'okukora nainga?



Okuhangwa omu kishushani kya Ruhanga

OKUHAANA EBITEEKATEEKO OMU BUBIINA BUKYE

Shoma Okutandika 1:26-27

- Abantu baine mutaano ki aha bihangwa ebindi? Ruhanga akakoresa ngyenderyaho ki omu kuhanga omuntu?
- Ni mitwarizeki eya Ruhanga eri kushangwa omu bantu? Mugambe aha mitwarize yoona ei muri kubaasa kubona.

Shoma Zaaburi 139:13-16

- Ogu omushororongo nigutugambiraki aha muhendo gw'abantu?
- Ogu omushororongo nigukwata aha bantu boona nainga abantu bakye?

Shoboorora – Ruhanga akatuhanga, akatuhanga ari kwegyendesereza kandi ahandiikire ebiro by’amagara gaitu omu kitabo kye. Titurashangirweho, kureka Ruhanga akahanga buri omwe omuriitwe.

OKUHAANA EBITEEKATEEKO OMU EKIBIINA KYOONA HAMWE

Yohaana 3:16

- Ruhanga akakora ki kugaruraho Ensi?
- Ruhanga akatufeera ahabw’okugira ngu tukaba turi barungi? (Baaba batari kukimanya gye, shoma Abaroma 5:8)
- Ruhanga ku araabe yaabaatsize kuheereza omwanawe kufeera abantu mbwenu abantu n’ab’omuhendo guta ahari Ruhanga?
- Eki nikimanyisaki kurugiirira aha muringo ugu turi kutwaramu abantu?

Omu bugufu:

Omu mishororongo egi, nitureeba ngu buzima Ruhanga naatwara abantu nka eky’omuhendo munonga. Akatuhanga omu kishushani kye kandi buri omwe omuriitwe akamuhanga gye yaamuta omunda ya nyina. Naafayo munonga aha bantu nikyo yaayerereze omwanawe kubafeera.

Garuka oteekateeke aha murimo gwa Maama Tereza omuri India.

- Ebi twareeba nibibaasa kutuyamba kwetegyereza gye omurimo gwe?
- Nootteekateeka nahabwenki Maama Tereza akafa aha bantu abaabaire nibafa?

Omushaki w’amakuru ku yaamubuurize ahabwenki naafa aha bantu aba, akamushomera Matayo 25: 31-46, eri kukwata aha ntaama n’embuzi. Omu mishororongo egi, Yesu akatonganisa embuzi ari kugira ati, “Ku naabaire nyine enjara, timurampereze byokurya, ku naabaire nyine eiriho timurampaire maizi kunywa. Embuzi ku zaamugizire ngu zikaba zitakamureebaga n’eiriho nainga n’enjara, Yesu yaagira ati: “Eki mutarakoreire orikusingayo obukye ahari aba naanye timura kinkoreire. Maama Tereza naashoboorora ngu okuheereza abantu abari kufa aha mihanda, nikishusha n’okuheereza Yesu.

Teekateeka ahari eki: Buri omwe omuriitwe aine omugasho ahari Ruhanga. Kandi na buri muntu weena akuri aharubaju nikwe ari. Twara akaanya oteekateeke orebe ku oraabe nootwara abantu abakuri aha rubaju nka bakuru ahari Ruhanga.

Ekyokureeberaho: Ekanisa eya ira

OKUHAANA EBITEEKATEEKO OMU EKIBIINA KYOONA HAMWE

Shoma eki ekyokureeberaho

Abakrisitaayo ab’ekanisa eya ira bakaba nibeetegyereza ngu abantu n’ab’omuhendo. Omu bwire obwo, bakaba baikiriza ngu ba Ruhanga bakaba barwana kuba ab’ahaiguru kandi bakaba nibeetegyereza ngu Ruhanga ow’amazima akaba ayenda ngu abantu bamuhongyere kwerinda ebifubiro. Abantu nibakizibwa kurabira omu mwanawe wenka kubafeera (Yohana 3:16). Eki kikaba nikimanyisa ngu buri muntu akaba ari ow’omuhendo. Okwetegyereza

Rukundo ya Ruhanga nka eyomutaano aha nsi n’abantu, kikareetera ekanisa eya ira kwanga emitwarize nk’okwihamu enda n’okwita abaana bato. Omu bwire obwo omwana w’omwishiki ku yaabaire azaarwa, bakaba bamunaga omu mihanda. Kwonka abakristaayo bakeetegyereza ngu buri muntu kaabe ekirema, atakazairwe, omwishiki nari omwojo omuhuuku nari omukama akaba ari ow’omuhendo ahari Ruhanga. Bakaba baiha abaana b’abaishiki aha mihanda babareeberera nk’abaana baabo.

Ab'ekanisa eya ira, bakaba nibaikiriza ngu abu Ruhanga yaayorekire rukundo ye ari kuhayo amagara ge aha bwaitu, gukaba guri omurimo gw'abo kuhayo amagara gaabo kuheereza abantu abandi. Abakuratsi ba Kristo bakakyetegyezeza ngu bakaba bari ab'okworeka embabazi n'esaasi abantu boona omu muringo ogu Ruhanga yaaboorekire esaasi n'embabazi.

Omu bunaku obwo, endwara y'ejwa ekabarukaho. Waaheereza omuntu w'endwara y'ejwa amaizi, okubaasa kugumaho kw'omuntu ogu, nikuba kuri ahaiguru, waaba otamuhaira maizi, naafa. Kwonka endwara egi, neeruga aha muntu ogiine eza aha ndiijo omu kaanya kakye. Ahabwa okugira ngu Abaroma bakaba nibatiina endwara egi, ku baabaire bareeba omuntu agiine, omu mwanya gw'okumuha amaizi, bakaba bamunaga aheeru ngu afe. Amagara g'abantu gakaba gatari kikuru ahari bo.

Abakristaayo bakaba baine omutaano - Bo bakaba bagyenda bataayaayira abantu abaabaire baine endwara y'ejwa babaha amaizi kandi bagaruka babajanjaba. Bakaba nibaikiriza omu kwehayo ahabw'abandi n'okugirira abandi embabazi. Baingi bakafa, kwonka bari kukoresa Rukundo yaabo, abantu baingi bakeeyongyera kuba abakristaayo.

OKUKITEEKATEEKAHO IWE NK'OMUNTU

Twara akaanya oteekateeke ahari eki iwe wenka oyehurikiriire.

Shaba Ruhanga akworeke oku ori kutwariza abandi. Noobatwariza nk'abu Ruhanga ari kutwara nk'ab'omuhendo kureeba ngu akahika aha kubafeera. Nootwariza abantu abamwe kurungi kandi abandi obatwariza kubi? Shaba Ruhanga akusaasire obu otwarize kubi abantu, omu muringo gutari kumushemeza. Shaba Ruhanga akworeke okwari kureeba abantu be.

OKUHAANA EBITEEKATEEKO OMU BUGURUPU BUKYE

Abantu bakye bateekateeke ahari eki:

- Ni bantu ki abari kutwarwa nk'abatarimu kanyitsi koona?
- Ni miringo ki ei turi kubaasa kukoresa kworeka abantu ngu n'ab'omugasho ahari Ruhanga?

Eishomo 3: Abantu n'Eky'omuhendo Ahari Ruhanga

Ekirikugambwaho Ekikuru Omu Ishomo Eri

Ruhanga atwetsire okukunda batahi abaitu nk'omuringo gw'okworeka rukundo yaitu ahari We. Nitworeka rukundo ahabatahi baitu turikubugana ebyeteengo byaabo.


Ebikozeso

1. Omu Kitabo Ky'omwegi :
 - a. 3.1: Omuzaano gw'omuburizi w'engiri (kopi 3)
 - b. 3.2 Engyendererwaho omu kuhaana ebiteekateeko (kopi emwe buri gurupu)

Okutandika – Kora nk'omuburizi

OMUZAANO

Engyendererwaho: Torana bamemba bashatu omugurupu okuzaana ogwo muzaano barikukoresa 3.1.



Entandika y'ori kutebya: Obumwe abakristaayo baingi baine ekituri kweta "Okureebera engiri haihi" Nibateekateeka ngu okwikiriza Yesu n'ensharamu y'okufa n'okukira. Kwonka tibari kwetegyereza ekintu ekindi ku bari kuba batari kureeba ebyetengo bya bataahi baabo, engiri yaabo, neeba ebuzire..... Eri izooba nituza kutaayaayira eka y'omworo. Omuntu ugu naatuura wenka (n'omworo kandi n'omurwaire)

ahunami omu kitanda kye. (OMW) Omugyenye w'omukristaayo, omuburizi w'engiri (OBE) ari kubunzira engiri kuruga aha muryango gumwe kuza aha gundi aija amuhikaho.

OBE: Aba kunu, Aba kunu! Haine ari omunju? Nimbaasa kutaahamu? (Ataahamu)

OMW: (Ataine gagamba) eeh . . .ndi hanu.....

OBE: Oraire ota? Ndi.....kuruga omu kanisa ya nyizire kukweta ngu oije oshabire omu kanisa yaitu. Mukama atuhairire omugisha gwokwegarura busya. Otakaafeerwa.

OMW: (Ataine maani) Ab'eka yangye, ni banywani bangye bakansigaho ku naarwaire nkabura umurimo... Okwe omu Kanisa hariyo omuntu ari kubaasa kunyamba? Naakushaba? . . .

OBE: Obuyambi obu ori kubaasa kutunga buri hanu, nibushoboorora ekigyendererwa kya Ruhanga aha magara gaawe. Nookimanya ngu tikusiima kwa Ruhanga kureeba ngu ori omurwaire omu kitanda. Twara eki ekihandiko okishome, oshabe eshaara y'abasiisi, oikirize!

OMW: (Ataine maani) Tindikubaasa . . .ndi kubi. . . (Ahunama, areka kwehindura.)

OBE: (Akyebera omwitsyo) Okihuriire, Yesu asiimwe, naija kuba omujurizi. Ninza kukutsigira ekitabo eki. Reka ngyende, mbuurire engiri aha bandi abakibuzire (amugambira omu kutu ati) nituza kukushabira... ijuka ngu Yesu naakugarukamu (Agyenda amutsigaho)

OMW: (Amureeba naagyenda, ayenanuura naagaaya) aaaiiii.....
(Otagira ekindi kyona eki waakora – Okwihaho ekyo ekiri kureebeka ngu kishemeire)

Omu bantu baingi mugaaniire ahari ebi:

- N'enki ekyabaho omu kazaano aka?
- Orareebire nainga haine abantu abu orikumanya abari kubuurira bati engiri?

- Kikaba kiine buhanguzi ki omu mwanya muraingwa?
- Omuringo gw'okubuurira ogu nigushushana guta n'emiringo ei Yesu yaabaire naabuuriramu abantu?

Ebyahandiikirwe nibitugambira ngu Ruhanga naafa aha bantu abari kushaasha kandi naitwe tushemereire kubafaho. Ekintu "kihango" ekiri kubaasa kutuyamba kuyamba abantu ba Ruhanga abari kushaasha nikishangwa omu biragiro bya Yesu. Omu biragiro ebi nitushangamu engiri yoona omu bufunze. Ebi eri kuhamisiriza nibyeyoreka gye kandi nibitangaaza.

Ekiragiro Ekikuru

Abantu Bakye Bakye:

Shoma emishororongo egi.

- | | | |
|-------------------|------------------|------------------|
| • Matayo 22:36-40 | Mako 12:28-31,33 | Luka 10:27 |
| • Matayo 7:12 | Abaroma 13:9 | Abagalatiya 5:14 |

Ni bintu ki ebiri kutaana kandi ni biiha ebiri kushushana aha bi waashoma?

- *Byona nibigira ngu "kunda mutaahi waawe."*
- *Ekicweka ahari byo nikigira ngu kunda Ruhanga.*

Yesu Kristo naagira ngu ekiragiro ekiri kukirayo ni kiiha omuri ebi?

- *Kunda Yesu*

Ebiragiro bya ba Nabi kubiri kucuubwamu omu kiragiro kimwe ekikuru, nikiba kiiha?

- *Kunda mutaahi wawe.*

Noogira ngu ahabwenki Yesu yaashaziremu (na ba nabi) kuchwamu ebiragiro bari kukoresa ekiragiro eki?

- *(Ikiriza abeegi kuteekateeka eky'okugarukamu ahabwabo- Ku baraabe batashaziremungu n'ahabw'okugira ngu nitworeka rukundo yaitu ahari Ruhanga turi kurabira omu bikorwa byaitu, ogarukemu ekibuuzo eki aha muheru gw'eishomo eri.)*

Okukunda bataahi baitu

Abantu baingi

Shoma I Yohana 3:17, I Yohana 5:3a, Yakobo 1:27

Rukundo ya Ruhanga eine kakwateki n'oku turi kutwara ebyetengo bya bataahi baitu?

- Nitworeka ngu nitukunda Ruhanga ku turi kukunda bataahi baitu. Ku turi kugira ngu nitukunda Ruhanga kandi tutari kukunda bagyenzi baitu, ekyo nikyoreka ngu buzima tituri kukunda Ruhanga nakakye.

Nikibaasika kubagana omu Rukundo ya yesu, tutari kuyamba bataahi baitu omu byetengo byabo?

- Ngaaha!

Twaba tutari kuhikiiriza ebyetengo by'omubiri, eby'omwoyo n'eby'obuhangwa bw'abantu, nituba turi abakuratsi ba kristo?


- Ngaaha. Ku turi kureeba orufumu rw'embuzi n'entaama, nitubaganisibwamu ahabw'ebituri kukora n'ebi tutari kukora. Tibaragambiirwe kubuurira engiri ahari abo abaabeire baine enjara, kureka, kubaha ebyokurya. Yesu naayorekagye omuri egi nfumu ngu tushemereire kuhikiiriza ebyetengo byabo abatari aha rubaju ku turaabe turi abakuratsi ba Kristo buzima.

Omusharaba

Teera ekishushani ky'omusharaba aha rubaaho nk'oku ori kureeba.

Shoboororera abeezi baawe:

Ekishushani eki kikatebeekanisibwa kutuyamba kwijuka ebi tushemeraire kukora. Omusitaari ogwemereire nigworeka obuzaare bwaitu na Ruhanga. Nigwo musitaari oguri kusingayo obuhango – omusitaari ogukiikami nigutworeka obuzaare bwaitu na bataahi baitu. Omusitaari oguri kureeba ahaiguru guhamiibwe omusitaari oga bukiika. Amazima agari omuri eki tihabwa ekishushani kwonka, kureka n'ahabwa amagara gaitu, nitwetenga Ruhanga kutuyamba kugira obuzaare burungi.



Mutaahi waawe n'oha?

Okutandika: Eki n'ekitebyo kiri kukwata aha ku Yesu yaagambiire omuntu awaabaire naayenda kumanya oku yaakubaasa kutaaha omu bukama bwa Ruhanga nainga oku yaakubaasa kuba omukristaayo. Akagira ati nikyetenga ebintu bibiri: okukunda Ruhanga n'okukunda mutaahi waawe. Omuntu yaabuuza Yesu ngu munywani we n'oha? Yesu yaamugarukamu n'ekitebyo eki.

Shoma ekitebyo ky'Omusamariya Omurungi (Luka 10:30-37) Shaba abeezi babe abantu abari omu kitebyo bazaane ebiri omu kitebyo eki.

Abantu 7 nibo bari kwetengwa omu kazaano aka: omushaija, abashuma 2, omwahure, omulevi, omusamariya hamwe n'omurinzi wa hoteeri

Abantu baingi baganiire ahari ebi

- Omusamariya omurungi akaba naamanya omuntu ou yaashangire aha muhanda?
- Omusamariya omurungi akakoraki ku yaareebire ogu muntu? Akataana ata aha bandi?
- Omusamariya omurungi akooreka ata mutaahi we Rukundo? Akakora ekiri kumara nainga akarenzya aha kukora ekiri kumara?
- Eki ekitebyo nikitwegyesa ki ahari mutaahi waitu?
- Ekitebyo eki nikitwegyesa ki omu muringo ogu tushemereire kworeka bataahi baitu Rukundo?

Oku kiri kukora

Teekateeka aha bantu abu ori kureeba obutoosha. Ni kintuki eki ori kubaasa kukorera mutaahi waawe.

Eishomo 4: Luka 2:52

Ekirikugambwaho Ekikuru Omu Ishomo Eri

Yesu akakura omumbaju ina—omumubiri, omumwoyo, omukakwate naabandi, hamwe n’omukwetegyezeza (obwengye). Naitwe tushemereire kukura omumbaju ina kandi tuhwere ebyanga byaitu kukura omumuringo nigwo gumwe.

Ebikozeso

1. Omu Kitabo Ky’omwegi :
 - a. 4.1 Engyendererwaho omu kuhaana ebiteekateeko (kopi emwe buri gurupu)
 - b. 4.2 Ekipande ekirikworeka okukura (Buri omwe)
2. Obupapura bukye burikubasa kubambwa aha rubaawo.

Eky’okutandikiraho

Ekicwika ky’abantu baingi kigaaniire ahari ebi:

- Omwana naayetengaki ahagati y’emyaka 0 - 18?

Engyendererwaho: Handika ebibarikugarukamu aha rubaawo nginga babihandikye aha bupapura bukye. Hagira eby’okureberaho ebyaababurira omumbaju ina (reeba ebindi aheifo, ogambeho nk’kimwe then prompt them by giving an example. nka: Obukwate: noogira ngu ogwo omwana naayeteenga eka nginga omuntu okumukunda?



Luka 2:52

Shoma Luka 2:52- “ Atyo Yesu yaakura omu bwengye n’omubiri n’omu kukundwa Ruhanga n’abantu.”

Ni miringo ki ena ei Ruhanga yaakuziremu?

- | | |
|------------------------|------------|
| • Obwengye | Obwengye |
| • omu mubiri | |
| • Omu kukundwa Ruhanga | Omu mwoyo |
| • Omu kukundwa abantu | Emitwarize |

Engyendererwaho: Handika ebigambo ebyo bina aha rubaaho. Obupapura obubahandika babute omumyanya ei bushemereire kuzamu.

Nka Yesu, nitweteenga okukura omumbaju ezi ina. Kandi tukikozese nk’ekyokureberaho ky’entunguka omubantu abututwiremu.

Twara ebi waaba waihire omu kutandika oreebe ku biraabe nibihika omu myanya egi ey’okukura nka Ruhanga. Nitwetenga kukura omu myanya egi ena. Nitubaasa kukoresa eki nka egyenderwaho y’okumanya oku abantu bari kwetenga kutunguka.

Okukura kwa Yesu

Ebibuuzo ebi bigarukwemu omu bikorwa bikye:

1. Okukura kwa Yesu Ruhanga kukabaho juba nainga kukatwara obwire?
 - a. Okukura kwa Yesu kukatwara omwanya.

2. Zikaba ziri mbeera ki z'obuntu ezi? (Akashomeraho omu univasite? Owaabo bakaba nibamurikisa amashanyaraze? Bakaba baine ebyokurya biri kumara? Akaba naamanya kushoma n'okuhandiika? Akaba aine abazaire bari kumukunda?)
 - a. Yesu akakurira omu maka gaabaire gatari matungi munonga. Kureka bakaba baine ebiri kumara. Bakaba bahonga obunyonyi bubiri (Reba Luka 2:24, Abalevi 12:8)
 - b. Kwonka akaba aine ebyokurya biri kumara; Ishe akaba aine omurimo kandi aine eka erimu rukundo mpango.
 - c. Akeegyera aha kanisa okushoma n'okuhandiika
3. Yesu akaba aine ebintu ebi yaabaire naayetenga kuhikiiriza enteekateeka ya Ruhanga ahariwe? Ahabwenki? Kandi ahabwenki kitari kityo?
 - a. Yohana 17:4 neetugambira ngu Yesu akahikiiriza omurimo ugu Ruhanga yaamuhaira. Akabaasa kuhikiiriza ekigyendererwa kya Ruhanga.
4. Ni butungiki oburi kwetengwa kubaasa kuhikiiriza enteekateeka ya Ruhanga?
 - a. Yesu akaba ari omworo kwonka, akabaasa kuhikiiriza enteekateeka ya Ruhanga aha magara ge.
5. Yesu akakura omu miringo ena, nitubaasa kuyamba abandi kukura omu, miringo egi? Tuta?
 - a. Ego, egi emiringo ena neetuha orugyero oru turi kubaasa kukoresa kuyamba abandi kukura.
6. Okukura kwa Ruhanga ku kuraabe kwabaire kuri okw'obwire buraingwa, nitwetenga bwire ki omu nkura y'abandi bantu? Twetebeekaniise kuta bwire ki omu bantu abandi baaza kukurakurana?
 - a. Nikitwara obwire abantu baaza kukura. Twaba nitwenda kubayamba, tushemereire kuba twetebeekaniise kuhayo obwire bwaitu kumara omwanya muraingwa.

Oku kiri kukora omu magara gaitu

Tituri kwetenga kukura omu myanya ena nk'oku Yesu yaakozire kyonka, kureka okuyamba abandi nabo bakakura omu myanya egi ena. Ijuza omu kipapura eki ori kuheereza eky'okureeberaho nk'oku waakubaasa kukura omu myanya egi kandi okayamba n'abeeka yaawe, ekanisa n'ahu ori kutuura kukura omu myanya egi.

Ijuka eky'okwegyesa: Ku oraabe otaine mpapura teera aha rubaaho abantu batyo beteere aha mpapura ahabwabo.

| Lesson 4: Luke 2:22 4.2 Growth Chart | | | | |
|---|--------|--------|------|------|
| Child's Name | Weight | Height | Head | Body |
| 1 | | | | |
| 2 | | | | |
| 3 | | | | |
| 4 | | | | |
| 5 | | | | |

Ijuka eki...

- Muronde ebintu ebi muri kubaasa kukora omuri Sabiiti nainga wiiki. Ku muraaronde ekintu kihango munonga, nikijja kuguma aha muheru nimwija kuhwa amaani. Muronde akantu kakye kwenda ngu mukamariirize mutyo muronde akandi.
- Muronde ekintu eki mutakakozireho.





Abantu abashomire kakye (Ku kirabe kigumire abantu aba kwijuzamu aho mugambe aha bintu ebi:

- Teekateeka emiringo ei orikubasa kukuramo omu miringo/embaju ezi ina. Nibiha ebi otarikukora hati?
- Teekateeka ahaka yaawe. Nibakura omu myanya egi ena? N'enki eki ori kubaasa kukura kuyamba ab'omuka yaawe nainga omuntu omuka yaawe kukura omu myanya egi ena.
- Teekateeka aha kanisa yaawe. Harimu omuntu ou ori kubaasa kuyamba kukura omu myanya egi ena? Noobaasa kukura ki?
- Teekateeka aha kyaanga kyaawe eki orikuturamu. Aha ori kutuura hariyo omuntu ou ori kubaasa kuyamba kukura omu myanya egi ena? Noobaasa kukura ki?

Ijuza ekipande kyoona na n'ebiteekateeko ebi orikubasa kuyambiramu eka yaawe, ekanisa hamwe n'ekyanga okukura omumbaju ezi Yesu yakuriremu

Engyedererwaho: Hereza abeegi obwire buringwaho okuteekateeka. Nikikuru munonga okugira ngu bagire ebiteekateeko birungi, okukira kurahukiriza bakateekateeka okutarikumara.

Baheza, obuuze yaaba haruho abarikweenda kubagana na kilasi ebibahandiika. Buuza yaaba haruho obubokisi obwaaba bugumire kwijuzamu ebyokureberaho, reero obuuze gurupu yoona yaaba haruho orikubasa kuteisa eby'okureberaho omubokisi ezo (Obwire bwaaba butarikumara buri omwe kugaamba, obagaruzemu amani okugumizamu bamarire omurimo ogu omuuka)

| Ahu omuntu arikukurira | Emyanya eyi Yesu yakuzire mu | | | |
|---|---|--|--|---|
| Okukura nka | Obwengye | Omu mubiri | Omu mwoyo | Omu mitwarize |
|  Omuntu | Shoma akatabo nainga ekihandiiko kyona ekiri kukwata aha mwanya ogundi kwenda kwegaho | Ribata kumara omwanya muraingwa | Twara ekicweka Ky'orunaku ori wenka omu kushaba. | Yohereza munywani waawe obutumwa Buri kuha amaani |
|  Ab'eka | Gaaniira n'eka yaawe muri kukoresa enfumu ibiri | Yozya esiwaani n'ebikopo waaheza kurya n'ab'eka yaawe | Obutoosha yebembera ab'eka yaawe Omu kushaba | Twara omukundwa waawe Omu kwehereera (Abaana batariho) |
|  Ekanisa | Aha rw'okubanza mugaaniire aha eishomo rya Sabato Omu kushaba kwanyu | Boneza akaguuto k'omu maisho g'ekanisa | Obutoosha mushabire abashoorwa n'abandi beebembezi b'ekanisa | Yeta abantu b'omu kanisa yaawe omuka obateekyere kyayi owaawe |
|  Abatuuze | Gaaniira aha bizibu by'omwanya Gwanyu n'abeebembezi baanyu | Gyendagyenda Omu bataahi ogyezeho kurundaana oburofa oburaabe buriho | Yeta bataahi baawe owaawe baije mushabe hamwe aha runaku rw'okuzaarwa kwa Yesu | Zaana emizaano n'abaana ba bataahi baawe. |

Abeegi obahe obwire buri kumara kuteekateeka. Ni kikuru kureeba ngu baagyezaho kuteekateekaeb'omugasho kusinga okumara baagaaniira aha kya baija omu mutwe.

Ku baraaheze shaba abantu abeekundiire kwija bakabagana ebi baateekateeka. (Ku haraabe hatariho bwire buri kumara buri omwe kuheza, bashabe kumariiriza eki baahika omuka).

Buri bantu 2-3 (otarenzya ahari 3) Mubagane ebintu ebi mwehaireyo kukora. Mushabirane kureeba ngu Ruhanga yabaha amaani kumara ebi mwayehayo kukora.

Okuhendera

OKUHAANA EBITEEKATEEKO OMU BUBIINA BUKYE(Bw'abantu 2-3)

Omu bubiina bw'abantu of 2-3 (batarengire 3!), bagana ekintu eki oreheyo okukora. Mushabirane kugira ngu Ruhanga abahe obushoborozi bw'okuhikiriza okwehaya kwaanyu

Eishomo 5: Ruhanga naayenda Ekanisa Kuyamba

Ekirikugambwaho Ekikuru Omu Ishomo Eri

Ekanisa eyesirwe okukunda ekyanga kyaabo okurabira omu bikorwa bya rukuundo, ebirikukwata aha byetaago byaabwooro.

Ebikozeso

1. Omu Kitabo Ky’omwegi :
 - a. 5.1 Eby’okwegyeraho (kopi ibiri z’abanyenkundiire)
 - b. 5.2 Emiringo y’okuhweramu (kopi emwe buri gurupu)

Okutandika

Buri bantu 4

Muhandiike orunyiriri rw’ebintu ebi ekanisa yaanyu eri kukora (Mworeke buri kikorwa omu bishushani mwaba nimubaasa).

Engyedererwaho: Boona baheza, obuzi za gurupu okuraba omurukarara bareebe yaaba ekikorwa nikikora omubantu abarikuza omukanisa ninga abatarikuzamu – nibikorwa bingahi omuburi kicweka? Oyorekye ebikorwa ebigyendereire abworo n’abakyene – Nibikorwa bingahi?

Muri baingi mugaaniire kakye ahari eki:

- Abantu abakwetooroire nibateekateeka ki aha Kanisa?
- Abantu abakwetooroire nibateekateeka ki aha bi ekanisa eri kukora?
- Abantu abakwetooroire nibateekateeka ki aha bakristaayo?
- Nooteekateeka ngu abantu abakwetooreire bakaahuriire bata ekanisa kuri etariho?
- Noogira ngu eki nikishemeza Ruhanga?

Shoma Isaaya 58

Shoboorora ngu Isaaya akaba naahandiikira aba-Israeli abaabaire bari abantu ba Ruhanga abatoorainwe. Aba nibo kyokureeberaho ky’ekanisa hati.

Shoma Isaaya 58:1-10. Mukigaaniireho:

- Abantu bakaba nibakora ki?
- Ruhanga akagarukamu ata abantu aba?
- Ahabwenki Ruhanga yaagarukiremu ati?

OKUHAANA EBITEEKATEEKO OMU BUGURUPU BUKYE (4-5 PEOPLE)

Ekibiina okibaganisemu abantu 4 (bana bana) ninga 5. Shaba buri bantu kushoboorora eki baashoma bari kukoresa ebishushani nari bari kuhandiika.

Buri bantu ku baraamare kworeka ebishushani byabo nari ebi baahandiika, babuuzze eki bari kuteekateeka aha bintu ebi kurugirira aha kanisa y’ebiro ebi.

Omwonyo n'omushana

Abantu bakye nari baingi bakore ebi:

Shoma Matayo 5:13.

- Ahabwenki Yesu naagira ngu abakristaayo n'omwonyo gw'ensi?
- Nitubaasa tuta kuba nk'omwonyo?
- Ni miringo ki ei turi kubaasa kuhwabwamu omwonyo?

Shoma Matayo 5:14-16

- Hariho obu turi kugyezaho kushweka omushana gwaitu?
- Nitubaasa kugyezaho tuta kwangashana?

Eby'okuba omwonyo n'omushana

Ekitebyo 1 – Okuhwera abooro.

Abakristaayo b'ekanisa egi bakaba nibeereeba nk'abakuratsi barikugaywa kandi b'ediini eri kusingayo obukye. Bakaba nibatiina okubuurira engiri omu makanisa agandi agaabaire gabeetooreire. Ku baahuriire ngu bashemereire kworeka rukundo ya Kristo omu makanisa agandi omubuurizi yaashaba abakyara kugyezaho kwetegyereza ebyetengo by'abantu omu mwanya ogwe.

Ku baabaire bari omu kushaba esande eyaakuratsireho, abakyara aba baabagira ngu bashangire Abahindi b'abakyara 12 buri omwe aine omwenda gumwe gw'okujwara. Omu kyanda, abakyara aba bakaba baine okwozoya omwenda ogu buri izooba. Omukyara ku yaabaire aba aine omwenda gumwe, akaba aine okuguma omunju kuhisya omwenda ogu yaayozya gwomire. Omubuurizi yaabuuza ku haakuba hariho abakyara omuri egyo kanisa abaakuba baine emyenda eshatu kandi abari kwikiriza kugabiraho abahindikazi abo abaabaire bataine. Abakyara baingi bakeehayo kukora eki. Esande eyaakuratsireho, abakyara aba bakataayaayira amaka g'abo abaabeire bataine myenda y'okujwara; baabongyera omwenda gwa kabiri. Abakyara b'abahindi bakashemererwa munonga baashaba abakyara b'abakristaayo kwija kubashabira. Abakyara b'abahindi abaabaire baine enda bakashaba abakristaayo kushabira abaana baabo batakazairwe.

Ekitebyo 2 – Okuha amaizi abatuuze

Omu kyaro kimwe, abantu bakaba bataine maizi na kakye. Abakristaayo ku baaherize kwetegyereza ngu Yesu naayenda bayambe abatuuze bataahi baabo, abeebembezi b'ekanisa baasharamu kuronda eki bari kubaasa kukora ahabwabo kureebeka ngu abantu aba baatunga amaizi. Bakaronda ahantu ahu baabaire batiiza ebikoreso by'okufukura amaziba bari kukoresa engaro. Abantu bakabanza baayanga bari kugira ngu amaizi gakaba gari haraingwa. Okufukura amaziba n'engaro ku kiraabe kyabaire nikibasika, ahabwenki, baabaire batakagateireho?

Kwonka, abeebembezi b'ekanisa bakasharamu kugyezaho. Bakatiiza ebyoma ebyo eby'okukoresa n'engaro. Bakatwara ebyoma ebi baatandika kuhinga n'okusherura amaizi omu itaka ry'ekanisa. Ku baahikire aha fuuti makumi ana n'eitaano baareeba amaizi, abantu boona bakashemererwa munonga.

Kwonka abakaafiire, tibarashemereirwe. Bakaba nibagira ngu abakristaayo tibi kwija kubeikiriza kukoresa amaizi ago. Kwonka abakristaayo bakeeta abatuuze boona kukoresa amaizi ago agu Ruhanga yaabaire nk'omugisha. Bwanyima abatuuze ab'omu byaro ebindi bakatandika kubuuza abeebembezi b'ekanisa ku baraabe nibabaasa kukora amaziba omu myanya y'ebyaro ebindi. Ekanisa ekabagarukamu kurungi. Omu mwaka gumwe amaziba ikumi n'ataano gakaigurwaho goona gari kuhitsya fuuti 80.

Ahabw'okugira ngu Ekanisa ekooreka rukundo ya Kristo omu muringo ogu, abantu bakashemererwa munonga, kandi ekanisa ku yaabaire eyeta abantu kwija kuhurira ekigambo kya Ruhanga kya rukundo, ekanisa ekaba ejijura abantu. Bakaba baturira nibetenga munonga kuhurira ekigambo kya Ruhanga n'abantu abaababaire amaizi.

Ekicwika ky'abantu baingi kigaaniire ahari ebi:

- Amakanisa aga gakakoraki?
- Amakanisa aga gakaba gatungire munonga?
- Bakakoresa bintu ki?
- Ahabwenki baakozire ebi?
- Eki baakozire kikaretaho karungi ki?

Embuzi n'Entaama – Matayo 25:31-46

Ekicwika ky'abantu baingi kigaaniire ahari ebi

Engyedererwaho: oyambe abeegi kureeba ngu essira omukyahandikirwe eri aha byenteego by'omubiri. Yesu taragizire, "Nkaba nyine enjara mwampa akapapura k'engiri" nginga "Nkaba ndi omwirwaruro mwanyohereza obutambi bw'obutumwa." Akagamba eby'okugarukamu eby'omubiri aha by'enteego by'omubiri.






Shoma Matayo 25:31-46

- Hakaba hariho mutano ki aha mbuzi n'entaama?
- Ni bintu ki ebi entaama zaakozire? N'ebiyomubiri nari eby'omwoyo?
 - (Oyambe abeegi baawe kureeba ngu ekikuru munonga n'ebintu eby'omwoyo. Yesu taragizire ati nkaba nyine enjara mwampa Baibuli nari ati nkaba nyine enjara mwampeereza obuyambi bw'ekigambo kya Ruhanga).
- Ni kangahi obu ekanisa yaawe ekozire ebintu ebi Yesu ari kugambaho?
- Ahu orikutuura hakaabaire nihashusha hata kuri noogira ngu ekanisa neekora ebintu ebi? (Ebi bari kubaasa kugarukamu)
 - Abantu bakaabaire nibateekateeka ahari Ruhanga kurungi
 - Amagara gaabo gakaabaire marungi
 - Bakaabaire nibakunda kwega ahari Ruhanga

Oku kiri kukora

OKUHAANA EBITEEKATEEKO OMU BUGURUPU BUKYE

Mwecwemu ebicwika mwijuzwe ekipapura eki. Muteekateeke emiringo ei ekanisa eri kubaasa kuyamba omu bintu ebi.

| Lesson 5: God wants the Church to Help 5.2 Ways to Help | |
|--|--|
| Food  | |
| Clothing  | |
| Shelter  | |
| Health  | |
| Education  | |

Eishomo 6: Ni byetengoki ebi turi kubaasa kuyambaho?

Ekirikugambwaho Ekikuru Omu Ishomo Eri

Ruhanga naayenda ngu tukore ahazibu by'emiringo yona omubyaanga byaitu. Aine ebigyendererwa birungi ahabw'ebyaanga byaitu.

Ebikozeso

1. Omu Kitabo Ky'omwegi :
 - a. 6.1 Omuriisa Wong (Kopi emwe buri gurupu)
 - b. 6.2 Eky'okureberaho omukweega (Kopi emwe buri gurupu)

Ekirooto ky'omubuurizi Mananu

Shoma ekitebyo ky'omubuurizi Mananu.

Hakaba haruho omuriisa omwe omumwanya gw'ekyoro omurubaju rurembo. Bakaba nibamwira Wong. Wong akafurukira omururembo oru ahabw'okwetwa kwa Ruhanga. Ekanisa ekaba erinkye, erimo abantu nka . abandi bakaba bari abakazi naabaana. Wong akaba nakora emirimo ebiri. Akaba aine omurimo ogundi ugu arakora okubisaho eka ye, omukazi naabaana babiri bato. Kandi akaba nakora munonga okurisa ekanisa egyo enkye.

Erizzoba rimwe akimuka omukasheshe kare kare butakatagurukire okweherera nk'omucwe gwe okugwabaire guri. Akaimuka mpora mpora, yajwara, yashohora kugira ngu ataimusa omukazi we naabaana. Yataho akatadooba. Yatandika okushoma baibuli ye. Akaba nashoma omuri Isaaya, eshuura ya 58, arikuhurira eiraka rya Ruhanga aha muringo gw'okuramya oku arikushurura.

Okwesiibyakwo oku ndikusiima t'oku? Okubohoorora emirunga y'obubi, Okukomoorora enkomo z'obuhuuku, Okurekura abarikuhatwa, bakeegyendera, Kandi n'okuhenda emigamba yona? T'okubagana eby'okurya byawe n'abaine enjara, N'okutaasya enshoberwa ezitane butaaho omu maka gaawe; Okireeba ojwaire busha, okamujweka, N'okuteehuzya abaanyu?

Wong tarabasiza kurenga aho. Omutima gwe gwaranangana n'ebiteekateeko byo. Ruhanga naafa ata ahabooro obwe we ariyo arihagati y'obwooro obutakagambwaho burikuhenda omutima gwe? Naamanya oku abaturagye omukyaange bakaba nibaboonaboona okubona okubabaho. Bakaba banyigirisiibwe munonga. Nawe wenka akaba takasa kuriisa eka ye, keingi eka ye ekaba niburwa nobujanjibi. Akateekateeka, "Ruhanga arahi? Ekyahandikirwe eki nikwata kita ahabyeteengo hanu omu Las Pavas?"

Kuyabaire ekyateekateeka, yahurira koodi aharwiigi. Yayebuuza, "Ogu noha omumatururu aga" Yahika haihi norwiigi yabuuza, "ogu noha?" yahurira eiraka aheru, "Wong, ninye Yesu" "Oha?" "Ninye Yesu," Wong yashuba yabuuza, "noha buzima?" Eiraka ryagumizamu, "Wong, ninye Yesu. Naija ahabwokuba nahurira okutaka kw'omutima gwaawe. Ninye onyorekye nenk ekikurabanisizemu ".

Eiraka ryashusha nk'amazima. Wong yaguraho n'obwegyendesereza. Hakaba hakiruhomomwira Wong yareeba ekicucu nk'ekyomuntu ou yabaire natekyereza kuba naagamba nawe. "Tahamu Mukama wangye" Yesu yamugarukamu, "Ingaha, ninyenda ondambuza ekyaanga kyaanyu, onyorekye ebi ebirikuhenda omutima gwaawe" Wong akyashobairwe, yaikiriza kwonka yamurabura, "nitwija kutambura n'obwegyendesereza—

enjura ebair negwa munonga, mbwenu ekyoondo n’obuterezi nibiingi munonga, kandi tiwiine kamina ezirikumara omukyaanga kyaitu.”

Kubabaire nibatambura omunkuuto z’omukyaanga Wong akaba nagambira Yesu ebikatwiine namajua agubabaire barikurabaho. Omunju omu harumu omukazi orikweguza kugira ngu abase kuriisa abaana be. Omukari kasisira harimo omushaija omusiinzi orikuteera omukazi we naabaana be yaheza kutsinda. Omunju eriya harumu omwebembezi w’ekyaanga omuri w’enguzi akarya esente ezabaire ziri ezokureeta amashanyarizi omukyaanga eki. Akazinywa kandi yazishishira omuzaara.

Bahika omumwanya muhango hagati y’ekyanga. Kikaba kishemereire kuba omwanya gw’okuzaniramu n’okuhumuriramu. Kwonka gukaba gwijiwiire ekinuuko, kasasiro hamwe n’embeba. “Noreeba egyo enju? Wong yabuuza Yesu, arikumworeka akatindi ahatangiro y’ekibuungo. “Nihaturamu omukazi naabaana bana. Enju netura munonga. Nabooro munonga. Tibaine ky’okurya nari ekyokujwaara. Kandi obutosha nibaba barwaire” obwe bakaba bahika aha ntangiro y’ekibuungo ahu Las Pavas – eitimbiri ryamabaare gw’obuguzi bwiingi ryombekirwe. Wong yamworeka, “aheifo okwe, niho abakazi naabaana bataha amaizi. Titwiine maizi omu Las Pavas.”

Wong kuyabaire naataandika kwinamuka, yahurira omuntu naarira. Kuyahindukira kureebayo, akaba ari Yesu —Yesu niwe yabaire arikurira! Wong yareeba ngu ebintu ebyabaire barikumucwa omutima bakaba nibicwa n’omutima gwa Yesu. Wong kuyabaire naatandika okugamba, Yesu yaamukwataho, yaamureeba, yamugira ati, “Wong, ninyenda kukworeka ebigyendererwa byabgye ahabwa Las Pavas.”

Awonaawo, Wong yaayeshaanga arikureeba Las Pavas. Yesu yaatandika kugamba, kandi Wong akaba nreeba gye ebintu ebi Yesu yabaire arikushoborora—bikaba nibibaho butunu! Yesu akagaamba abantu ababaire bari okukanisa ei Wong yabaire naariisa—n’obubaire bari abooro munonga—kwonka barikubagana akubabaire biine naabatahi baabo. Buri eizooba bakaba nibahuraho akaceeri kakye bakata omu kicopo. Ahasande bakaba baijwise ekicopo haza bareeta ekyo kicopo ky’omuceeri okubagana naabandi omu iziina rya Yesu. Bakaba bagubagana naabandi omukyaaro kyaabo ababaire bateine ako kakye. Nikwo babaire nibatwaaza nasabuuni. Abakazi omukanisa bakatandika kutayayira abafakazi abatarikwebasa omukyaanga kayaabo—baabaayamba okwozya, okuteeka, hamwe n’okureberera abaana baabo barwaire.

Yesu yaagamba ahamirimo, kandi Wong yareeba abantu baine emirimo. Tigugira ngu egi emirimo ekaba nebaretera entasya nyiingi, kwonka ekaba eri emirimo eyekitiniisa kandi erikubahisyaho ebi babaire nibiteenga. Yesu ekagaamba ahaburaaro, Wong yareeba obusisira obwabaire burikurabamu embeho nyiingi nyekiro; kandi bukaba buhindukiremu amaju amarungi, gatari nyamaju g’okutangaaza kwonka gari amaju marungi ag’okuturama kandi mayonjo. Yesu yaagaamba aha maize, kandi ahonaho habaho obwataapu bwamaizi marungi, mayonjo omumyaanya emwe n’emwe. Yesu yaagaamba ahabuyoonjo n’obwekyumi omukyaanga, Wong yareeba zakamina. Tiguri ngu burika ekaba eine kamina kwonka burimuntu akaba naabasa kubona kamina y’okweyambiramu. Hamwe n’entuumo yakasasiro eyabaire erihagati y’ekyanga kyaabo ekaba etakiraho. Kwonka hakaba hamizireho emiti mirungi mito, erimu abaana barikuzaana omupiira barikusheka. Yesu yaagamba nahamagari gaabantu bahindikire, Wong yareeba wamukazi ou wabaire aguza omubiri gwe hati akaba nabaisaho abaana be n’omurimo gushoborokire. Omusiinzi akaba ahindikire omushaija orikukunda omukaziwe hamwe n’abaana be. Omwebembezi w’ekyaanga ou wabaire ari omushumankuzi hati akaba nakoresa sente gye ahabw’okuhwera ekyanga kyoona.

Yesu yaagira ati, “Wong, Reeba ekanisa!” Wong kuyagiire kureeba, yareeba ekanisa eiyyijiwiire abantu. Hakaba harumo abashaija! Abantu boona bakaba bashemereirwe, barikuhimbisa Ruhanga ahabw’oburungi bwe. Na Wong akaba eriyo naayegyesa, naaburira kandi arikwebemebra bantu be omu Mwoyo n’omukworebera Ruhanga n’ebikorwa bya Rukundo. Yesu yashobororera Wong at, “Okworekwa oku tikurahirire omubwijwiire

kuhisye obundigaruka, kwonka okwe nikwe kuknda kwangye aha Las Pavas. Ninyenda obagane okwo kworekwa kandi otandikye kwebembera abantu ba Las Pavas kubahisya aha kworekwa oku.”

Wong yatandika kuhakanisa Yesu ati, “Kwonka Yesu, turi abooro munonga!” “Wong,” Yesu yamubuuza mpora, “Noha ou wayebembeire abaana ba Israeri okubambusa enyanja erikutukura? Noha owakanyisize otugaati n’ebyenjanja ebya resize abashaija enkumi itaanu n’abakzi hamwe naabana? Noha owarambwiire otujuta n’akasaano k’omufakazi wa Zarephazi kubisaho ekaye okumara emyaka eshatu y’ekyanda? Noha owacurieriize enyanja ya Galilaaya?” “Niiwe wakikozire Mukama,” Wong yamugarukamu. “Naahabwekyo Wong, oyorobere ekinakugambira kukora, mubagane ekimwiine, n’obukari kakye. Rangirira okukunda kwangye okurungi omubantu—omu mwoyo n’omumubiri. Kandi ninyija kukiza ekyaanga kyaanyu”

Wong yahurira enkoonko n’ebika. Omukazi we yakorora omunda yakateni. Wong akaba ariyo ashutami aha meeza, akatadooba akaraire kare, ekyerereze kyagireho. Wong yarebaguza ngu areebe Yesu, kwonka tiyamubona. Yaayebuuza, “Naaba nindoota shi? Nayorekwa?” taramanyire gye ekyabaireho. Kwonka akaba nakakasa kuyabugabugana na Yesu kandi yatunga okwetegyereza kusya ebigyendererwa bya Ruhanga ahabw’abooro...hamwe n’okworekwa kusya kw’okwebemebra abantu kubashemereire kworeka Rukundo ya Ruhanga omuri Las Pavas

Ekicweka ekikye kigaaniire ahari ebi:

- Ni bizibu ki ebiri kushangwa omu kichweka ky’omubuurizi Mananu? Gamba ebizibu ebi omu bicweka bina; eby’omwoyo n’eby’omubiri
- Ekigyendererwa kya Ruhanga aha batuuzze aba kikaba kiri kiiha? Raba omu bizibu byona, omanyee eki Yesu yaagizire ngu nikimara ebizibu ebi.
- Yesu akagambira omubuuruzi Mananu kukoraki?

OKWANJURA EBYARUGA OMU ZA GURUPU

Nenki eki mwayega okuruga omumugane gw’Omuriisa Wong hamwe n’okuruga omukuhaana ebiteekateeko?

- *Ruhanga aine ebigyendererwa birungi ahabwe kyaanga kye omuby’omwoyo n’eby’omubiri*
- *Yesu akagambira omuriisa Wong okurangirira ebigyendererwa bye birungi omukyaanga kye.*
- *Okuba abwooro tikyo kizibu ahari Ruhanga, ekiturikwiteenga n’okumworobera*
- *Ruhanga naija kukiza ensi yeitu twokuratira emihanda ye.*

Ekyokureeberaho ekya: Long na Mai

OKUHAANA EBITEEKATEEKO OMU BUGURUPU BUKYE

Engyedererwaho: Hereza kopi emwe ya 6.2 Case Ekyokurebera Omukweega buri gurupu.

Omu bicweka by’abantu bakye bakye murabe omuri eki. (Ahabwa buri kibuuze hariho eby’okugarukamu ebihairwe.)

Enju ya Long na Mai yaaheza kusya, buri kimwe kyasya, tihaine kyasigara. Nyomwebazyo, Long, Mai n’abaana baabo 5 baraire owa abanyabuzaare baabo kwonka omunju egyo hatwiremu abandi bantu 10 kandi ninkye teri kubaasa kwongyerwamu abandi 7. Long n’omuhingi kandi yaaherize kubiba omusiri gwe kwonka hakiriyo agandi meezi 3 atakabaire kushaaruura. Esente zoona azimariire aha kugura embibo y’emisiri ye kandi ebyasigaize byona bihiiriire omunju.

Eka egi eine byetengo ki?

- Ebyokurya
- Oburaaro

- Ebijwaro
- Eby'okuteekyesa
- Ah'okuraara enju yaabo yaaba ekiriyo neeyombekwa.

Ni bintu ki ebiriho omu kyaró ebiri kubaasa kuyamba?

- Abantu
 - Abantu abaine amaani kuyamba omu kwombeka
 - Abantu okuteekyera abombeki
 - Abantu b'okureeberera abaana
 - Abantu b'okuhuumuriza n'okuhanya abomu ka egyo
 - Abantu b'okuboneza ah'enju ehiiriire
 - Abeebembezi b'eihanga b'okuha obuyambi omu kabi
- Eby'okukoresa
 - Eby'okuteekyesa nk'esafuriya
 - Ebyokurya
 - Emyenda
 - Burangiti
- Ebyetengo
 - Ah'okutuura

Obutuuze bwaitu

OKUHAANA EBITEEKATEEKO OMU BUGURUPU BUKYE

Sharamu ekicweka kikyee reero bagarukemu ebibuuzo ebi. Ku oraabe noobaasa, oshabe ekicweka eki kutambura omu kyaró kumara edakiika 10-20 kwenda kweijusya ebiziibu ebi bari kurabamu nk'abatuuze.

1. Ni bizibu ki ebiri omu batuuze?
2. Noogira ngu Ruhanga aine nteekateeka ki aha bizibu nk'ebyo?

Rondamu ebizibu bikuru bishatu ori kukoresa akaruuru (Shoma aha bi abashomesa bakoresa).

Ruhanga naashaba ekanisa yaawe kukora ki? Twara ebizibu bishatu ebyo ebi waatunga kandi buri kimwe, teekateeka aha bi mwine omu mwanya gwawe ebiri kumaraho ekizibu eki. Teekateeka abantu, ebintu n'esente ezi mwine eziri kubaasa kumara ebizibu ebi.

Eby'abashomesa

Hariho emiringo ebiri ei ori kubaasa kuteeramu akaruuru:

1. *Buri muntu muheereze ebihimba 10 (Obuti bw'amaino, amapapa, amabaare etc) obashabe ngu ebi waabaha, babite omu myanya bati. 4 babite aha kintu eki bari kuteekateeka ngu ni kikuru munonga; 3 babite aha ki bari kuteekateeka ngu nikipurataho omu bukuru. 2 babite aha ki bari kuteekateeka ngu ni ekya kashatu omu bukuru. 1 aha kya kana omu bukuru.*
2. *Buri muntu muhe ebihimba 10 omugambire ngu abibaganisemu nk'oku ari kuteekateeka ngu kushemereire. (Emiringo yoona nejja kworeka ekintu ekikuru munonga).*

Eishomo 7: Ekibaro ky'obukama bw'omu Iguru

Ekirikugambwaho Ekikuru Omu Ishomo Eri

Naabakyene munonga nibabasa kuha. Bakora ekyo nibaija kureeba Ruhanga arikukanyisa okukora kwaabo omumiringo y'okutangaaza.

Eby'okushomaho

1. 7.1 Isaaya 40:29 ebiri kworeka (empapura 5/1 akakoro kamwe konka)
2. 7.2 Emigati 5 n'ebyenyanja 2 (1 Ebahasa/akakoro)
3. 7.3 Ebahaasa y'Elia n'enfaakazi (1 Ebahaasa/akakoro)
4. 7.4 Enfaakazi n'ebinushu byayo 2 (1 Ebahaasa/akakoro)
5. 7.5 Ebahaasa y'Enfumu y'Entaranta (1 Ebahaasa/akakoro)

Manya eki: Ekicwika kimwe ku kiraabe kitari kwetegereza kubara, aho koresa obupapura kubashoboorera eki babeire beine omu kubanza na bwanyima. Oshabe abantu aba kwihamu ebishushani babikoremu oburundo bubiri – omu kubanza na bwanyima. Babuuzze omutaano oguri ha burundo obu bubiri? Abantu nibaruga bata aha karundo k'okubanza kuza aha ka kabiri? RUHANGA. Reebe ngu baayetegereza ngu eki kikakorwa Ruhanga, niwe yaakikanyisize.

Okutandika: Isaaya 40:29

Nookyetegereza ngu Baibuli erimu okubara? Akasheeshe aka, twaza kureeba okubara okuri kushangwa omuri Baibuli.

Ekigaaniro ekihang'omubamba ahari ebi:

Shoma Isaaya 40:29 - Bashoboorere ngu nituza kukoresa omushororongo ogu munonga omu ishomo eri:

- N'oha aine amaani? N'oha ataine maani?
- Ruhanga naatukorera ki?
- Omushororongo ogu nitubaasa kuguta omu Kubara? Reka tugyezeho ... (Ku oraabe oine ekigaaniro kihango yeta abantu omu maisho obaheereze ebigambo nari obumanyiso bw'okubara (obutabo buri omu kabiiko. Abantu abakye, bate obutabo ahansi boona bakorere hamwe mpora mpora)

Engyendererwaho: Waaba oine abantu baingi, oyetehe abantu bataano okwija omumeisho buri omwe omuhe ekigambo kimwe nginga akabonero akarikoresibwa omukubara (Ebishushani by'okureberaho: Kada 7.1). Abantu baaba bariye ote za kada zoona ahansi okuzita omubuteeka

“Okuteebaasa kwaitu x Ruhanga = Okubaasa (amaani)”

Nitwega ki kuruga omu mushororongo ogu/engyenderwaho?

“Omwojo na kyamushana ye”, Yohana 6:1-14

Engyendererwaho: Ahabwa buri mugane omuri ishomo, oyeteeketeke okugamba omugane omumiringo ogurikushemeza.

Bagambire ekitebyo ky'omwojo na kyamushana ye omu muringo guri kushemeza. Ira hakaba hariho omwojo. Akahurira ngu omwegyesa w'amaani naija omuri Galilaya, kandi akaba naayenda kuzayo akahurira oku ari kugamba. Akashaba nyina; akeeshengyereza nyina, atyo yaarugaho yamwikiriza. Akamukomera ka kyamushana kakye omu katambara, atyo omwojo yaagyenda.

Ku yaahikire ahu yaabaire naaza yaareeba abantu baingi baijwireho. Nk'omutsigazi muto weena akatsindika abantu kwenda kuhika omu maisho. Aha muheru akahika ahu yaabaire naabaasa kuhurira omwegyesa n'abakuratsi be. Akatangaarira oku omwegyesa yaabaire naagamba n'ebi yaagambire. Akeeberwa kimwe ngu akaba atakariire.

Aha muheru enjara ekatandika kumwita, yaijuka entanda ei nyina yaabaire amukomeire. Akakwata omu nshaho mpora ari kugyezaho kutashamaaza abantu.

Bwanyimaho, omwegyesa akeemerezamu kakye yaashaba abeegi kugaburira abantu. Omutsigazi akaranzya aha rubaju yaareeba ngu abantu bakaba nibahika nka 20,000. "Otyo" yaayebuuza nibabaasa bata kutungira abantu aba boona ebyokurya?" Ku yaabeire naakyebuuza, yaareeba abeegi nabo bari kwebuuza ekintu ekyo, kandi babuuza omwegyesa ahu baabaire nibaza kwiha ebyokurya by'okuriisa abantu abo boona. Bakagambira omwegyesa ngu kikaba nikiza kubatwarira emishaara y'omwaka.

Omwegyesa akababuuza ati, "N'enki eki mwine?". 'Omutsigazi yaagyezaho kushereka ebyokurya bye kwonka akaba yaakyerereirwe. Omuntu omwe "Andereya" akamureeba. "Mwegyesa; omutsigazi naagira ngu aine ' 1,2,3,4,5 emigaati n'ebyenyanja bibiri.'

Omwegyesa agarukamu ati, "Bindeetere."

Noobaasa kwebuuza ekyakuratsireho?

Andereya akagambira omutsigazi ati "Omwegyesa naayenda ebyokurra byawe." Omwojo akagarukamu ati, "Enki, kyamushana yangye? Niyo nyine yonka! Nyine enjara! Ku ndaagimuhe, ninza kukoraki? Aha muheru omutsigazi yaikiriza kuheereza Andereya ebyokurya, atyo Andereya nawe yaabiheereza omwegyesa.

Yesu akatwara ebyokurya by'omutsigazi yaatandika kushaba atyo yaabibaganisamu. Omutsigazi akaguma naareeba atari kukiikiriza, ari kureeba abantu nibashohozwa ebyokurya. Abantu boona bakarya kuhisya obu baigutsire. Yaareeba aha rubaju, hakaba hariho ebitemere 12 by'ebyokurya bitsigaireho.

Akaba arinzire ahike omuka agambire nyina. Yairukanga yaahika omuka yaagambira nyina ashemereirwe ngu entanda ye yaariisa abantu 5,000 abashaija bonka, abakazi n'abaana. Nyina akamureeba, yaashoberwa. "Nooyenda nkugambire emirundi engahi kureka kugunja ebitebyo nk'ebyo?" Nitubaasa tuta kuta engyenderwaho omu kitebyo eki?

OKUHAANA EBITEEKATEEKO OMU BUGURUPU BUKYE(3-4 PEOPLE)

Engyedererwaho: Buri gurupu ogihereze ebahasa erimu "Omwojo na kyamushana ye" bishajirwe okuruga of (Ebishushani by'okureberaho kada 7.2) NINGA okore ebipande bihango kugira abantu bakrere hamwe. Obahereze ebiteiso kugira babone ebyokurakamu bihikire. Ekibiina kyaheza kugira ekibaro kimwe ekibahika, ebindi babikorere omububiina bukye.

Gabamu abantu 3-4 buri bantu obahe ebahaasa, eriho 'omwojo aine entanda sharamu obuntu (nk'obwa 7.2). nainga okore obupande buhango oshabe abantu kukora hamwe kukora eby'okugarukamu. Ku baraaheze kukora ekibaro kimwe, nibabaasa kukora ebindi baaheza kwebaganisamu.

Ekyokugarukamu: “Omutsigazi + Emigaati 5 + ebyenyanja 2 x Yesu = Ebyokurya by’abantu 5,000 + Abakyara & Abaana + Ebitemere 12”. Okwe n’okubara kw’obukama bwa Ruhanga!

Ekigaaniro ekihango kigambe ahari ebi:

- Yesu akaba naayenda omutsigazi n’ebyokurya bye? Hakaba hariho omuringo ogundi ugu yaabaire naabaasa kuriisamu abantu?
- Ahabwenki Yesu yaashaziremu kutwara ebyokurya by’omwojo ugu?

Gambira abeegi ngu ku baraabe nibakireeba ahari ebi nitwija kugumizamu twetegyereze okubara kwa Baibuli.

“Omufaakazi n’ebyokurya bye by’aha muheru”, 1 Abagabe 17:7

Bukaba buri obwire bugumire omu bunyakare bwa Israeli. Ihanga rikaba rirabire omu njara egumire kumara emyaka eshatu n’ekicweka, abantu bakaba nibafa, n’obu yaakuba Eliya, Nabi wa Mukama, akabonabona.

Kwonka Ruhanga akakoresa enfaakazi kureeberera Eliya. Eliya ku yaabaire naatambura omu tauni yaareeba omukazi naarundaana enku, Ruhanga yaamugira ngu amuhike amushabe ati, “Mpayo amaizi nyweho.” Omukazi yaikiriza kumuheereza amaizi kwonka ku yaabaire atakagamuheereze, Eliya atyo yaamubuza ku araabe naabaasa kumuheereza n’omugaati gw’okurya, we n’omwanawe batakariire.

Omukazi akamugarukamu ati, “Amazima ga Ruhanga omu iguru, nsigaize ebyokurya by’eizooba rimwe, kuryaho n’omwana wangye, reero tukarinda okufa.” Atyo Eliya yaamugarukamu ati, “Otatiina Ruhanga naija kukwoherereza byona.”

Omukazi atyo yaahinduka yaaza kuteekyera Eliya ebyokurya omu buto n’engano ebi yaabaire asigaize. Ku yaabaire yaaheza kukoresa buto yoona n’esaano ei yaabaire asigaize kuteekyera Eliya, akatangaara kushanga ngu enyungu ya buto n’esaano bikaba bijwire ori kukushusha ngu tibakabikorahoga. Omukazi yaagambira Eliya ati “Naakoresa byona ebi naaba nyine kukuteekyera, kwonka byagarukamu, “Ruhanga aheebwe ekitiinisa!”

Baibuli neetugambira ngu Ruhanga tarahaire Eliya ebiri kumara, kwonka, akaheereza omukazi n’eka ye yoona ebyokurya by’emyaka eshatu n’ekicweka endiijo. Eby’okutangaaza, nibyo ebyo ebibaro by’obukama bwa Ruhanga!

Oku orikubaasa kukora ekibaro omu kitebyo eki.

OKUHAANA EBITEEKATEEKO OMU BUGURUPU BUKYE

Engyedererwaho: Obagabire amabahasa (Ebyokureberaho Kada 7.3) buri kibiina kigyezeho okukora ekyo kibaro.

Gabamu amabahaasa (Reba ha 7.3) oikirize buri bantu bagyezeho kukora ekibaro ekyabo.

Ekigarukwamu: “Enfaakazi + Omugaati 1 x Ruhanga = Omugaati 1 x abantu 3 x ebiro 365 x emyaka 3 = 3,285”

Mugaaniire ahari:

- Omukazi akaba ari omworo?
- Ruhanga akaba naabaasa kuriisa Eliya omu muringo ogundi?
- habwenki Ruhanga yaashabire Eliya kuza ow’enfaakazi kushaba ebyokurya?
- Ahabwenki Ruhanga yaashabire omutsigazi ebyokurya ebi yaabaire atsigaze?
- Ruhanga ainiire abooro, n’amafaakazi esaasi?

“Enfaakazi n’ebinushu bye bibiri”, Mako 12:41

Eizooba rimwe Yesu akaba ari aha kanisa ashutami haihi n’ahu baabaire nibareeta ebiconco byabo. Omukazi omwe w’omworo akaba atsigaze ebinushu bikye bibiri, nk’oku nibyo yaabaire atsigaze akaba ari kushwara atarikwenda ngu hagire owaamureeba yaaba naabihayo, akaheerezayo mpora, omu kaceceko.

Yesu atyo yaayeta abeegi be yaabagira ati, “Omukyara ogu yaaheerezayo kusinga abantu boona.”

Mugaaniire ahari eki:

- Yesu akaba naamanyisa ki? Omukyara ogu, akaha ata kusinga abandi?
- Ahabwenki Yesu ataramugizire ati, “Ngaaha maama, nooyetenga esente ezi, kusinga egi ekanisa” Akaba naabaasa, kwonka ahabwenki atarakozire?

Omu mwanya gw’okumwemereza, Yesu akatwara okuhayo kw’omukazi ogu nk’okw’omutaano. Kwiha obwo, empeereza y’ogu mukazi etwire nehandiikwa kwenda ngu abantu bagishome. N’obu kiraabe kiri amazima ngu ogu mukazi akahayo kusinga abandi; na waaza kuyetegyereza, nooreeba ngu n’ekyamazima. Kumara emyaka 2,000 abakristaayo batwire nibamureeba nk’ekyokubagaruramu amaani. Nooteekateeka ngu ni bintu ki ebihairweyo ahabwa omukazi ogu nk’ekyokureeberaho? Oku nikwe KUBAZA okuri kusingayo. Akahayo eki yaabaire aine, Ruhanga yaakibaza..... Okwe nikwe kubara kw’obukama bwa Ruhanga.

EKY’OKUKORERA OMUBUBIINA BUKYE

Mukoresa za kada okugyezaho kubara ekyo kibaro

Gabamu ebahaasa (Reeba ha 7.4)

Eky’okugarukamu: “Enfaakazi + Ebinushu 2 x Yesu = emyaka 2,000 eri kuheereza amatsiko!”

Ijusya abantu eki:

- *Ruhanga akashaba omwojo kuheerezayo kyamushana ye*
- *Akashaba enfaakazi kubanza, kuriisa Eliya, ari kumuheereza ebyokurya ebi yaabaire atsigaze*
- *Akaikiriza enfaakazi egi kahayo ebi yaabaire esigaize*

Mugaaniire ahari eki:

- Yesu akaikiriza abooro kureka kuheereza?
- Abari kuheereza nibareeba nainga batunga emigisha omu magara aga?
- Okworobera Yesu, n’ebiragiro bye, okukunda bataahi baitu, nitwetenga ekintu ky’omutaano? (Ebi twine)
- Okuturi kureeba ebintu? (okwikiriza, okworoba, obuntu)
- Hariho ekintu ekiri “kikye” nainga “kitari kureebwa” kutaheebwayo ahari Ruhanga?
- Ruhanga naaheereza omugisha okuheereza kw’abooro?
- Ruhanga ku ari kuheereza omugisha okuheereza kw’abooro, n’okugaita nari n’okubaza?”

Ekitebyo ky’aha muheru,

“Enfumu y’etalanta”, Matayo 25:14

Hakaba hariho omushaija w’omutungu ari kuza aha rugyendo ruraingwa atyo yaayeta abakozi (abambari) be bashatu. Ow’okubanza akamuha etalanta itaano (ebinushu 5), yaamugira ati, Koresa esente ezi okuhisya ahu ndaagarukire.” Owa kabiri yaamu ha etalanta ibiri (ebinushu 2),

yaamugira ati, Koresa esente ezi okuhisya ahu ndaagarukire.” Aha muheru, owaha muheru yaamuha talanta emwe (ekinushu 1) nawe yaamugira ati, “Koresa esente ezi okuhisya ahu ndaagarukire.”

Omugaiga atyo yaayegyendera. Ku haahwaireho obwire, yaagaruka yaayeta abakozibe 3 yaababuuza oku baabaire bakozire obu yaabaire atariho. Omukozi ow’okubanza akamugira ngu akakora ebinushu 5 ebindi. Omugaiga yaamugira ati “Yebare kukora kurungi; obaire omwesigwa omuri bikye mbwenu kankwongyere.” Omukozi wakabiri nawe yaamureetera ebyeye, akaba ayongyeireho ebinushu ebindi bibiri (2) mukama we yaamugira ati: “Yebare munonga, obaire omwesigwa omuri bikye, mbwenu noiya kwongyerwaho.”

Aha muheru omukozi ondiiho yaija yaamugira ati: “Mukama wangye, nkamanyanga ku ori omuntu ogumire, nkatiina, naagyenda naashereka etalanta yaawe omu itaka kwenda ngu etamburaho.” Mukama we yaamugira ati: “Iwe mweremwa we!” yaamwaka ekinushu kye, yaakiheereza ow’okubanza atyo yaamunaga aheeru y’obukama bwe.

Eki nakyo nikyoreka okubara kw’obukama, katureebe ...

OKUHAANA EBITEEKATEEKO OMU BUGURUPU BUKYE

Engyedererwaho: Obagabire amabahasa (Ebyokureberaho Kada 7.5) buri kibiina kigyezeho okukora ekyo kibaro.

Gabamu ebahaasa ey’aha muheru (Reeba ha 7.5)

Ekigarukwamu: “Omwambari (Omukozi) + etalanta 1 x 0 = 0 kwongyerwaho + Omukozi kunagwa omu mwirima”

Mugaaniire

- Nooha owahairwe bikye? Omworo? Kwonka reeba ekyabaireho!
- Ruhanga naafa aha booro? Mbwenu ahabwenki baamunagire aheeru y’obukama?
- Ni biiha ebiri kurugiramu aboro kubari kugomera Yesu?

Aha muheru

Shaba abantu kuraba omu bibuuzo ebi. Nk’oku kiri kubaasika, murabe omuri ebi:

1. Tubaasize kukoresa ebintu ebi tuta omu magara gaitu?
2. Ebintu ebi bikoziwe bita omu makanisa gaitu?
3. Ni biiha ebi ndikubaasa kuhindura kureebeka ngu twakora ebirungi nk’ebi omu magara gaitu, n’omu kanisa yaitu?

Eishomo 8: Okwetegyereza oku turi kubaasa kuyamba

Ekirikugambwaho Ekikuru Omu Ishomo Eri

Tushemereire kuhwera abantu okukora ebintu kutari kubahereza ebintu nk’obuyambi.

Ebikozeso

1. Omu Kitabo Ky’omwegi :
 - a. 8.1 Muka Lee – Engyendererwaho omu kuhaana ebiteekateeko(1 buri gurupu)
 - b. 8.2 Eka eyabaire eri omu bwetaago – Engyendererwaho omu kuhaana ebiteekateeko (1 buri gurupu)

Okwambuka omugyera

Engyendererwaho: shaba abantu bashatu bazaane ugu omuzaano.

Otere emitare ebiri ahansi erikworeka embaju z’omugyera. Otere ebimondi bibiri birikworeka amabae gwokwambukiraho hamwe n’ekimondi kihango kirikworeka ekirwa.

Teera emisitaari ebiri na kyoka ahansi eri kworeka enkungu z’emigyera. Teera ebigo bibiri biri kworeka amabaare g’okwemereraho, kandi ekigo ekihango ekiri kworeka ekirwa. Abantu babiri nibaija aha Nyanja bari kwenda kwambuka kwonka tibari kumanya kwibira. Amayengo gaine amaani kandi nibagira obwoba bw’okwambuka. Omushaija wa kashatu aija atyo areeba obuzibu bwabo. Ayehayo kubayamba kwambukira aha mabaare kwonka baguma batiinire. Aikiriza kukirizaho omwe aha mabega kwonka abaasa kuhika aha kirwa honka ahu ari kumusiga.

Atyo agarukayo kureeta omushaija ondiijo kwonka aba aruhire munonga. Omushaija owa kashatu ayanga kuheeka omushaija ondiijo kwonka aikiriza kumuyamba kutamburira aha mabaare. Bahika ahagati, omushaija ahurira yaahama kandi areeba naabaasa kutambura aha bweye. Abashaija bombi batyo bambuka enyanja kwonka owa kashatu aguma seeri ari kutongana ngu bamuyambe, kwonka omushaija ow’okubanza atambura ayegyendera.

Muri baingi, mugaaniire ahari ebi;

1. Mwareeba nihabaho ki omu kazaano?
2. Ni miringo ki egumire ayaakoresibwa kuyamba abashaija abo?
 - a. Omushaija omwe akakirizibwa kandi ondiijo yaayegyesibwa okwambuka enyanja. Obashoboorore ngu eki nikitwegyesa oku tushemereire kuyamba abantu. Orubaju rwa enyanja orumwe nirworeka ekyaro nari omuntu omworo, kandi orubaju oru bari kwenda kuzamu ni rworeka entunguuka nari omuntu ahindukire. Abantu abari kwenda kwambuka nibooreka abantu abari kwenda obuyambi, kandi omushaija wa kashatu naayoreka itwe, abantu abari kwenda kuyamba.
3. N’enki ekyabaire aha mushaija w’okubanza, akayambwa nari akaba kubi kukira oku yaabaire ari?
 - a. Akasigwa ataine ky’okukora ahagati y’enyanya.
 - b. Hati ari kubi ahaakuba tari kubaasa kweiha ahagati y’enyanya
 - c. Hati ari kubi ahaakuba tari kubaasa kweiha aha kirwa.
4. N’oha ayegire kurungi, owaagumire naareeba nari owaagyerizeho kukikora?
 - a. Owagyerizeho kukira eki yaabaire naayega-kubaasa kwega, abantu nibetenga kworekwa ekyokureeberaho n’okuheebwa amaani.

5. Nihabahoki ku turi kukorera abantu omu mwanya gw'okubayamba kwekorera ebintu?
 - a. Tibari kwega kwekorera ebintu, beetenga ngu tubayambe obwire bwona.
6. Tukoreki kureeba ngu abantu baayega okwebaisaho?
 - a. Okwegyesa abantu kwekorera ebintu
 - b. Okwetebeekanisa kandi okaikiriza kutambura n'omuntu nk'oku ari kubaasa kutambura.

Engyedererwaho: Omuzaano nigwo gumwe mugugarukyemu. Omurundi ogwakabiri reka omushaija owakabiri ou bayambire okwambuka omugyera agyenda agambire wamushaija wasigaire aha kirwa amwegyese okwambuka omugyera, nawe abase kwegyesa abandi.

Kora ekikorwa ekya kabiri ahu omushaija owaayambirwe kuraba aha mugyera ari kugyenda akayamba mutaahi we owaatsigaire seeri y'omugyera akamworeka oku ashemereire kutwaza kwenda ngu nawe agyende ayegyese abandi.

Nitureebaki omu kikorwa ekya kabiri?

- Ku turi kwegyesa abantu, nabo nibeegyesa abandi, aha muheru twena tubaasa kwega

“Ku ori kuheereza omuntu ekyenyanja, nooba waamuriisa eizooba rimwe kwonka ku ori kumwegyesa okujuba, nooba waamuriisa amagara ge goona.”

- Eki nikimanyisa ki?
- Nikikwatana kita n'okuyamba abatuze b'owaitu?
- Ni bintu ki ebiri kworeka oku turi kubaasa kwegyesa omuntu kujuba ebyenyanja kusinga okubaheereza ebyenyanja kwonka?
- Ogu omugane nigwetegyesa ki ohakuhwera abantu omukyaanga kyaitu abatarikumanya okukora ebintu ebirukubasa kubahera kukura nk'oku Ruhanga arikweenda?

Engyedererwaho: Shobororra ngu ogu omugane nigutuyamba kwetegyereza okuturikubasa kuhwera abantu. Orubaju rwokubandizaho rw'omugyera nirworeka ekyanga ekyooro nina omuntu omwooro; kandi orubaju rw'omugyera orwakabiri nirworeka omuntu nina ekyanga ekitungukire. Abantu abarikwenda kwambuka nibworeka abantu abooro abarikweenda obuhwezi, kandi omuntu owakashatu naitwe abrikweenda bgu tuhwere abandi.

Omukyara Lee – Ebyokureeberaho birungi eby'okuhindurwaho

Shoma ebitebyo ebi

Omukyara Lee n'omukazi buzima okwihaho okugira ngu eizinarye ryahindukaho. Naayetenga kuyamba amaka g'abooro omu mwanyagwe na munonga abo abateine mirimo. Akatandika kutaayaayira gamwe aha maka ago ag'abooro buri kwezi ari kuronda oku yaakubaasa kuyamba amaka okwebaisaho. Aha hariho ebyokukworeka 3 ari kukushoboorera oku abaasize kuyamba amaka. Ebitebyo ebi bihikiire kimwe.

Ekyokureeberaho 1 – Omukyara Lee n'omusiri gw'ebimuri

Omu kyarokya Lee, hakaba harimu eka y'abooro n'abaana baabo 2. Omushaija n'omukyara boona bakaba bateine mirimo. Omukyara Lee ku yaabaire naarabaho yaareeba ngu bakaba baine akataka kakye omu maiso g'enju yaabo. “Ahabwenki mutari kuhinga ebimuri?” Akababuuza atyo; nimubaasa kureetera eka yaanyu kureebeka gye kandi mugaruke mubiguze omu katere.

Omukyara w'omuka egyo atyo yaatandika kuhinga ebimuri ari kubiguza



omu katere. Kwonka bwanyima yaashanga ngu abaguzi bakaba nibamushaba ebindi bika by'ebimuri - kwonka akaba aine akataka kakye atari kubaasa kuhinga ebindi bimuri. Kwonka omukyara ogu akatandika kwiha ebimuri omu gandi maka ari kubiguriza aha rubaju rw'ebi yaabaire aine kandi ari kukora amagoba. Ku yaareebire aine akaanya k'okugurizaho omu katere, yaateekateeka, "Nimbaasa kuguza n'ebindi bintu," Hati naakyeera agura ebitookye n'ebijuma by'okuguza omu katere.

Ekyokureeberaho 2 – Omukyara Lee n'ebitakuri

Eka endiijo ekaba neeyenda kukora kwonka ekaba etari kumanya ky'okukora kandi bakaba bataine bwegyese bwona. Bakaba bakora nk.



'abakozi ba butoosha kwonka obumwe bakaba babura eky'okukora.

Omukyara Lee akareeba ngu abantu aba bakaba nibakunda okukora kwonka betaine yaataayaa ky'okukora. Atyo yaagyenda yira endiijo ka omu kanisa abaabaire akababuu bari abahingi b'ebitakuri. Za ku baraabe baabaire nibakora amagoba omu bitakuri yaababuuza akatare n'eki orikwetenga kuba oine waaza kutandika kuhinga ebitakuri.

Ku yaayetegyereize ngu gukaba guri omurimo murungi, yaashoboororera eka egi ati; Yesu akatweta kureeberera kandi tukakunda abo abataine, atyo yaababuuza ku baraabe nibaikiriza kwija kwegyese eka endiijo okuhinga ebitakuri. Batyo baikiriza. Omukyara Lee akabanjurira eka endiijo. Abooro aba bakashemererwa munonga kureeba ngu bakaba nibabaasa kwekorera batyo baagyenda baapangisa eitaka rikye na byona ebyabaire nibyetengwa. Aha muheru gw'omwaka bakaba nibashaaruura, bakaihamu esente z'okushashurira eitaka n'endiijo mbibo kandi baatungaho n'amagoba g'okureeberera eka yaabo.

Ekyokureeberaho 3 – Omukyara Lee kugarukanisa amaka

Eka 3 ei omukyara Lee yaayambire n'eka eyaabaire erimu abaana bataanire n'abazaire baabo. Abazaire bakaba nibagira ngu abaana aba bakaba bataine mugasho kandi bataine ki baabaire nibabaasa kubagasira. Omukyara Lee akabugabugana n'eka egi kugyezaho kubagarukanisa. Omukyara ogu akeehayo kuguma naabugabugana nabo kubayamba kuhindura amagara gaabo abazaire ku baraabe baabaire nibabaasa kubaakiira bakabayamba. Abazaire bakaikiriza kugarukana n'omwana waabo kandi bamuguza esente kutandikaho obwa makanika. Hati omutabani ogu naarundaana ebyoma ebikuzire, abirabya omu muriro atyo agaruka abiguza ab'amaduuka. Hati naabaasa kuyamba eka ye kandi nawe ahurira ngu n'ow'omugasho.



Ekigaaniro ky'abantu abakye

Teekateeka aha bi twareeba, ogaaniire aha bintu ebi:

1. Omukyara Lee akakorera amaka aga?
 - *Obuhabuzi, okuha amaani*
 - *Okutaayaayira abandi, nk'abo abaabaire nibabaasa kuyamba.*
2. Obuhabuzi bw'omukyara Lee bukarugamu ki?
 - *Abantu bakatunga emirimo batyo baabaasa kureeberera amaka gaabo*
 - *Abantu bakashemererwa ahaakuba bakabaasa kukora baayebaisaho.*
3. Hakaba nihaza kubaho ki omukyara Lee kuri yaaheereize abantu aba esente nari ebyokurya?
 - *Bakaba batari kuza kuhinduka*
4. Omukyara Lee kuri yaaheereize abantu aba esente buri sande kumara emyaka 2 noogira ngu amagara gaabo gakaabaire nigaza kuhinduka gatyo?

- *Ngaaha, bakaba nibaza kuguma nibamanya ngu omukyara Lee naabaheereza esente, batyo bagwejegyera baremwa kukora.*
- 5. Hariho mutaano ki aha kuyamba n'esente n'okuyamba omu muringo gw'omukyara Lee?
 - *Akabaheereza okumanya kandi yaabaheereza emiringo eri kubabaasisa kwebaisaho.*
- 6. Teera akashushani, oku waakutandika kukora nk'omukyara Lee – Ori kutaayaayira amaka okahurikiza, okagyezaho kubeetegyereza. Okareeba ebizibu byabo otyo okabarondera eky'okukora. Noogira ngu ahu orikutuura hakaabaire hata?

Ekyokureeberaho

OKUHAANA EBITEEKATEEKO OMU BUGURUPU BUKYE

Gabamu ekibiina; shoma eky'okureeberaho eki, otyo obashabe kugarukamu ebibuuzo ebi: Oreebe ngu abeegi baayetegyereza eki kiri kumanyisa omuntu kuba atari kubaasa kandi bakimanye ngu ekikuru tikuri kuheereza abantu ebintu kureka n'okubayamba bakakora ebintu aha bwabo.

Hariho eka eri kutuura haihi n'ekanisa yaawe. Omushaija tari kutuuramu kwonka naagira eizooba rimwe omu kwezi nari ameezi abiri aija aba n'eka ye kandi abareeterayo obusente bukye. Omukyara we naareeberera abaana baabo 3 kwonka tihariho ari omu ishomero. Obutoosha abaana nibaba nibatambura bataine nkaito kandi bajwaire emyenda ekuzire. Enju yaabo ekuriire kimwe kandi neetura enjura ku eri kugwa. Eizooba rimwe ku waabaire noorabaho, waahurira abaana bari kurira ahaakuba bakaba baine enjara.

Omu bantu bakye mugaaniire ebi:-

- Eka egi eine byetengo ki?

Okukirayo munonga omukazi ogu naahurira ataine buyambi bwona. Abantu baingi abatari


kukora bari kugira ngu nibagyezaho kureka ebizibu by'ensi bibarengire kandi ahabw'okugira ngu bari kubi, bahwairemu amatsiko g'okugira ngu nibabaasa kugira eki baahindura. Eki oshemereire kukora n'okubagambira ngu bamanya ngu ebintu nibibaasa kuhinduka ori kubayamba kubanza baahinduka nabo. Okubaheereza omuceeri n'obu kuraabe nikuyamba, ku ori kukora eki, emirundi mingi, nooba noobooreka ngu tibari kubaasa na kakye. Eki bari kwenda n'amatsiko ngu ebintu nibibaasa kuhinduka.

Omu bantu bakye mugaaniire ahari:-

- Noobasa ota kuyamba ori kugyezaho kuba nk'omukyara Lee ahaka egi?

Ebi bashemereire kugarukamu

- *Yamba omukyara ogu n'abaana be kubaasa kutiina esente. Baine itaka nari obwegyese?*
- *Yamba abaana abato kubaasa kuza aha ishomero. Twara omwana na nyina omu b'amateeka oreebe ku oraabe noobaasa kutungira abaana okushoma kwa busha ku haraabe hariho okushoma kwa boona omu kyaro kyawe. Buuza omany obuyambi oburiho.*
- *Rundaana ebijwaro omu kanisa, otyo ogyezeho kuheereza abaana emyenda.*
- *Tandika kutaayaaya n'omukyara ogu, ogyezeho kumugambira ngu amagara ni gabaasa kuhinduka.*
- *Yamba ab'eka kwombeka enju shaba abantu omu kanisa kwija bakayamba omu kwombeka n'abaana ab'omunju bari kukoresa ebintu ebi eka eine. Abaana b'emyaka 8 baine amaani!*
- *Gambira abantu aba kuhinga ebijuma kwenda ngu barye ebyokurya ebihikire.*
- *Tungira eka egi obukoko obubiike omuka owaawe kwenda ngu bataburya kwonka boohereze omwana omwe kuguma naayakiira*



- *Guma noogamba n'omukyara n'omushaija ori kurabira omu bazaire baabo nibabaasa kuyamba?*
- *Yamba eka egi kureeba oku baakubaasa kukoresa esente zaabo - Nibabaasa kuzita omu kintu ekya kubareetera ezindi sente omu bwire buraingwa?*

Omu kushaba, shaba Ruhanga akworeke oku ori kubaasa kuyamba eka emwe omu kyaró nk’omukyara Lee oku yaakozire. Ku arakworeke eka ei otari kumanya gyezaho kutandika kubataayaayira. Buri kuza kuzayo banza oshabe Ruhanga aigure amaisho gaawe obaase kwetegyereza ebizibu byabo kandi akuheereze ebiteekateeko birungi by’oku waakubaasa kubayamba. Ijuka kuguma noobashabira baaba nibagyezaho kutandika kukora sente. Oyeheyo kuguma noobataayaayira okabaheereza obuhabuzi kumara omwaka.

Eishomo 9: Ebikorwa bya Rukundo

Ekirikugambwaho Ekikuru Omu Ishomo Eri

Nitubasa kukunda ekyanga kyaitu okurabira omubikorwa bya Rukundo. Ebirikworeka ekikorwa kya Rukundo – nikorwa ahabw’okworeka Rukundo ya Ruhanga, nikorwa omukworebera Ruhanga, nikorwa omu maani ga Ruhanga, nikorwa okugira Ruhanga Ahimbisibwe, nikoze sibwa ebikozeso okuruga omubantu b’omukyaanga omu, nikikye kandi kyanguhi.

Ebikozeso

1. Omu Kitabo Ky’omwegi
 - a. 9.1: Ebirikworeka Ekikorwa kya Rukundo (Kopi emwe burimwegi)
2. Akaconco kakye ahabw’okwanjura
3. 2-3 Emigane y’ebikorwa bya Rukundo – reeba www.TCTprogram.org/stories
4. Ekipande ekirikworeka ebibuuzo by’okuta omunkora

Okutandika

Shaba abantu kwegabamu. Buri bantu bateekateeke ebintu ebya kubaasa kukorwa ekanisa kuyamba abantu batakoreise sente zoona. Bagambire ngu baine adakiika 7 kandi abaratunge ebyokugarukamu bingi, nibaija kuheebwa ekirabo. Bwanyima y’edakiika 3 bashabe kuteekateeka aha biconco n’emyoga ebi abantu b’omu kanisa baine ebiri kubaasa kukoresibwa kuyamba abandi.

Engyedererwaho: Ahanyuma y’obudakiika bukye, baijusye okuteekateeka ahamyooa ei abantu baine omukanisa yaabo ei barikubasa kuhayo.

Ahanyuma y’ekikorwa eki hamwe nokugaba ekiconco, reeka bahandike orukarara rw’ebintu aha rubaawo rw’emyooga yoona n’ebikoreso ei baine omukanisa yaabo

Ebikorwa bya Rukundo

Ebikorwa bya Rukundo n’emirimo mikye erikukorwa ekanisa ahabw’okworeka Rukundo ya Ruhanga omukyaanga kyaabo. Kaingi nibikye birkubaasa kukorwa omukiro kimwe.

Engyedererwaho: Bagana emigane 2 nari 3 eyebikorwa bya Rukundo ei warahuriireho omubyaanga ebindi

OKUHAANA EBITEEKATEEKO OMU EKIBIINA KYOONA HAMWE

Nibiki ebyazarukire omu bikorwa bya Rukundo ebi?

- Ekanisa ekagarurwamu amani
- Ekanisa ekahikaana n’ekyaanga kyaayo
- Abantu bakahika aha kumanya Kristo
- Abantu bakahwerwa
- Ekikorwa kya Rukundo kicarugamu purojekiti mpango

Oku ekikorwa kya Rukundo kirikushusha

OKUHAANA EBITEEKATEEKO OMU KIBIINA KYOONA

Haruho ebintu mukaaga (6) ebirukuraanga Ekikorwa kya Rukundo. Twakubiramu turikukoresa ekipande 9.1 omu katabo kaitu.

1. Nikorwa okworeka Rukundo ya Ruhanga

- Abatarikwikiriza Kristo omukyaanga kyaanyu nibiteekateeka bata aha kanisa? Ahabwaki?
- Abantu bibaija omukanisa yaanyu haza mutabatarusize? Ahabwaki? Ninga Ahabwaki tibakwiija?
- Abatarikwikiriza omu Kristo nibateekteeka ki ahari Ruhanga? Nibiki ebi barikutekyereza ngu nibyoreka Ruhanga?

Oku omwegyesa ashemereire kutwaaza: Ijusya abeegi amashomo agutwayegire omu ishomo erya kashatu: *Kuunda Ruhanga kandi okunde mutahi waawe. Tushemereire kuba abantu abrikworeka okuturikukunda Ruhanga okurabira omukukuunda batahi baitu.*

- Notekyereza abantu omukyaanga kyaanyu bakagamba ki ekanisa yaanyu yatandika kukora bimwe ahabyetwagambaho omumigane y'ebikorwa bya Rukundo?

Kimwe ahabyendererwa bikuru by'Ekikorwa kya Rukundo omukyaanga kyaanyu n'okworeka rukundo ya Ruhanga.

- Ahabwaki tukayenzire ngu ebikorwa bya rukundo tubyorekyereze abatarikwikiriza Kristo?

Nitweteenga okukora ebikorwa bya rukundo omubatajunirwe ahakuba nibiteenga okumanya ngu Ruhanga naabakunda. Abantu baingi tibakaza omukanisa, omugisha ogubaine okumanya ngu Ruhanga naabakunda nitwabahikaho. Kwonka kandi nitweteenga kureeba ngu naabo abarimukanisa titwabehuza kimwe. Nitubahabura ngu mutandikye n'okworeka abantu abatajunirwe rukundo kwonka mugumizemu n'okukora ebindi ebirukuhwera naabamemba b'ekanisa.

Teeka aha gumwe omumigane gy'ebikorwa bya rukundo ebitubagainaho, ekikorwa kyayorekire kita rukundo ya Ruhanga kandi abayambirwe egi rukundo ya Ruhanga bakitwiire bata ninga bakoziroho ki?

2. Nikorwa omu kworebera Ruhanga

Shoma ebi Yesu yaagambire abeegi be omuri Yohaana 14:15 & 21

- Ahabwaki Yesu naagira ngu nikikuru okworohera ebi Ruhanga arikuturagiira?

Omuri byoona nitweenda kureeba obutoosha nitworobera Ruhanga. Omumwanya gw'okukyoondooza ngu tumanye ebyetaago by'ekyaanga kyaitu reero tukafa kukora ebitwajumbura omukucondooza oku, nitweenda ngu tutandikye n'okushaba, turikushaba Ruhanga atworekye ekyarikweenda ngu tukore. **Keingi ebikorwa bya rukundo ebirukukwata aha magara gaabantu tibintu bihangwa ebirikurebeka ngu n'ebyaamani.**

Omuri Mexico, hakaba haruho ekyaaro buri muntu ari omuhiingi w'ebitokoza bwoongo. n'okusiiha hamwe naabantu kugira ngu Ruhanga aborekye eky'okukora. Omukyaaro kyaabo ekyo hakaba hatarumo za kamina, betaine amaizi marungi. Empunu n'enkoko bikaba birabarabamu omumaju agu abantu barikuturamu. Kubashabire ngu Ruhanga aborekye ekikorwa kya Rukundo, Ruhanga yaborekya ngu bashemereire kworeka Rukundo omubapfakazi barikubombokya oburaaro. Eki kikaba kiteine buzare n'ebyeteeo ebyabaire birikureebwa butunu. Bakorohera Ruhanga bayombekya abapfakazi oburaaro. Ekyaaro ekibehinguririze kubahuriire ekikorwa eki ekitari kya butoosha bakaija kureeba ekiroho. Ekyarugiremu okugaruka busya omukyaanga kyaabo reero abantu baingi bagarukira Mukama. Kuri bakoziro ekiburi omwe yabaire arikuteekateeka, tibakabwiine okutangaara oku. Kwonka ahakuba bakworohera Ruhanga, hakabaho okutangaara n'okugaruka busya.

Omu ihanga erindi, ekanisa ekahingwa okukora Ekikorwa kya Rukundo. Bakebemberwa okuhwera omukazi w'omwebembezi w'ekigombe ky'enkozi z'ebibi. Bakatiina ahakuba ogu omushaija akaba arimubi munonga arikuterera abantu busha. Kwonka ekanisa ekaba neyenda okworohera Ruhanga. Bakategyereza obwire obu omushaija yabaire atarumo reero baza okuhwera omukazi okusharura hamwe n'okutebakanisa omusharuro ogwo. Omushaija ogu omubi munonga kuyagarukire yaashanga ebihingwa bisharwiirwe yaatandika kugambira ahaiguru munonga, "Noha owakozire eki?" Omukazi we yatiina kumugambira, kwonka ahamuheru akatura ngu ekanisa niyo yamuyambire. Ogu omushaija yaarumba ekanisa yateera aha rwiigi. Omuriisa akamwiguriraho (ahanyuma yokuterera esimu omwe mubadikoni) reero ogu omushaija yatahamu. "Ahabwaki mwakozire ekimwakozire owangye," yaababuza akazire. Bamugarukamu bati babaire nibeebda okubereka oku Ruhanga arabakunda. Omushaija yaatandika kurira ngu takarebegaho omuntu owamukunda omu magara ge. Akajunwa,

amagara ge gahinduka, kandi yaburira amaka agandi mukaaga agabaire gari omukigombe kye ky'enkozi z'ebibi, nibo bakajunwa.

- Ekanisa bakahinguza bata ou barayorekye Rukundo ya Ruhanga?
- Ekyanga kakahinduka kita?

N'obu okworohera okwebemberwa Ruhanga nikibasa kugira obwenge omubitekyereze byaitu, turabasa kugira obuhumya ngu Ruhanga yatwebemebra okugira ekitwakora, nikijja kuhikiriza okukundakwe kandi nitwija kuheebwa omugisha twahikiriza entebekanisa ya Ruhanga.

3. Nikikorwa okurabira omumaani ga Ruhanga

Mushome Yohaana 15: 1-8.

- Eki kyahandikirwe nikitugambira ki aha ebiturikubasa kukora omumaani gaitu? Notekyereza ekyo nikimanyisa ki?
- Nitwaana tuta ebyaana beingi?

Okuhwera abantu kigumire munonga. Ruhanga wenka niwe arikubasa kutaho empiduka ei turikwenda kureeba omubyaanga byaitu. Twaaba nitweenda kureeba ebyanga byaitu bihindukire okurabira omubiturikukora, nitweetenga kuba turikureeba ahari Ruhanga kandi turikumushaba ngu atuhwere.

- Omuri Yohaana 15:5 baibuli negira: "Oguma omuriinye, naanye omuriwe, ogwo niwe ayana ebyana bingi;" notekyereza nikimanyisa okuguma omuri Ruhanga?

Okushoma Baibuli ahabwokusherura amazima ga Ruhanga. Okushaba okwebemberwa omukwetegyezeza ebyetengo byekyaanga kyaitu. Okusherura Ruhanga omubwesigwa turikushaba n'okuhurikiza okumanya obwenge omubucurezi. Okushaba Ruhanga okutuha amaani omukukora Ebikorwa bya Rukundo. Turikushera Ruhanga omukushaba, mumuhurikize kandi mugume omuriwe. Nitubasa kwesiga ngu omubwiire bwe okukora kwaito nikwija kwaana ebyaana ebirungi

- Tukegamira tuta amaani ga Ruhanga omukukora kwaito

Obutoosha tushemereire kubanza twashaba, tugumizamu omukushaba n'ahanyuma y'okumara kukora ugu murimo. Twabugana okugumirwa, tushabe Ruhanga okututeraho omuhanda nangwa natwahurira turuhire nina twahwamu amaani, twesigye Ruhanga okutuha amaani okugumizamu.

4. Nikikorwa okugira ngu Ruhanga ahimbisibwe

Shoma Yohaana 15:8.

- Ekigyendererwa ky'okwaana ebyaana nikiha?

Shoma Matayo 5:13-16

- Ahabwaki nitukora emirimo mirungi?
- Ekigyendererwa kyaitu kishemereire kuba kiha omukukora ekikorwa kya Rukundo?

Twaheza kukora ekikorwa kya Rukundo, tushemereire kutwaraho obwiire okweshujuma. Nenzi ekyarugire omu kikorwa eki? Teekateeka aha bintu bishatu:

1. Abantu bahwereirwe?
2. Ekikorwa kyakozirwe omumuringo gurimu rukundo?
3. Ruhanga yaahimbisibwe?

Amazima gari ngu tiburikukora ekikorwa kya Rukundo ngu nitwija kugira omugisha gw'okugaamba ahari Ruhanga, kwonka kishemereire kuba ekyenteengo kyaitu okureeba ngu omuri byoona nituhimbisa Ruhanga kandi tukakora byoona omumuringo oguri kumuheisa ekitiniisa. Twaaba tutarikubasa kugaamba ahari Ruhanga, emitekyerereze hamwe n'okushemererwa kwaito, ebikyendererwa byaitu ahabw'okuhereza abandi bantu nibibasa kuba obujurizi oburikuretera Ruhanga ekitiniisa n'okuhimbisibwa.

5. Kikye kandi kyanguhi

Mwaba nimutandika okukora Ebikorwa bya Rukundo, nitubagaruramu amaani okukora ebinto byanguhi munonga. Birikubasa kukorwa omu izooba rimwe bikahwa.

- Noteekateeka nahambwenki nikikuru okutandika nibikorwa bya Rukundo binkye kandi byanguhi kukora.
 - Okubasikirwa kukimaririza. Twakora ekirikihango nikibasa kutukiza emikono tutakiheza. Kwonka twakora kirikikye obwe nitubasa kukimaririza.
 - Abantu baingi nibenyingiramu. Nikyanguhira abantu kwehayo aha murimu ogubarikumanya ngu n’ogwizooba rimwe ninga ekikcweka ky’izooba. Nibabasa kugira, “O, eki nimbasa kukikora. Ihangwe eri tinyineho ky’okukora.” Kwonka gwaaba guri omurimo muhango (gurikweteenga ebiro biingi by’okugukoreramu) abantu nibatwaaza mpora okuhayo obwiire nari ebintu byaabo, okukira munonga ekitekyerezo ky’okukora ekintu ahabwaabadi abantu kyaaba kiri kisyaharibo.
 - Nikituhereza omugisha gw’okwombeka obubaasa bwaitu. Obundi titwiine obumanyirivu oburamaara omuzapurojekiti. Eki nikituhereza omwaanya okugira ebi twakora twombekye obumanyirivu tutakahikire aha kukora ebindi bihango
 - Okuhika ahabusinguzi juba. Twatunga obusinguzi omumirimo mikye, nitutunga abandi abokwutwegaitaho ahakuba bareeba obusinguzi bwaitu. Obundi mwatandika muribakye omukanisa, kwonka wagumizamu n’oyegyesa kandi abantu barikureeba ebirukorwa biri eby’obusinguzi nibaija kenda kwenyigiramu.

Ekiboneire n’okukora ebikorwa bya Rukundo keingi (nka kimwe buri wiki nari buri wiki ibiri) okukira okukora omurimu gumwe muhanga omubwire buaraingwa. Okwongyera ahaburungi oburi mukukora emirimo ya Rukundo aharuguru, okugikorea obutosha niyamba okusiiga ekishushani ky’ekanisa erikufayo omubiteekateeko byaabantu omukyaanga

6. Nikikoresibwa ebikoreso ebirugire omukyaanga

- Ahabwaki notekyereza ngu kimwe ekirikuranga ekikorwa kya Rukundo n’okukorwa n’ebikorwa by’omukyaanga ekyo – ebyo bikorwa ebi Ruhanga abaheire bitari ebyo ebirugire aheeru y’ekanisa nari ekyanga?
 - **Nikuba kuri okworeka Rukundo buzima**

Teekateeka aha mugani gwa za sari omu ishomo 5. Noogira ngu kikarugiremu oburungi oburikushushana kuri ekitongore kihango kyempa buyambi nikyo kyaesire ezo za sari? Ingaha.

 - Ahabwaki abantu bakahurira bakuundwa?

Ahakuba bakareeba Rukundo yaabantu bahireyo omukweshasha. Abantu omukyaanga baaba batahuriire okweshasha kwaanyu omuri ekimurikukora, tibakareeba Rukundo ya Ruhanga aharibo.
 - **Emigisha eri mukuha.** Mushome 2 Abakorinso 9:6-11. Ruhanga atugambiire ngu naija kuhereza omugisha abo abarikuhayo kurugirira ahakuhayo kwaabo. Kwonka shuba oreebe enyiriri ezi
 - Ahabwanki Ruhanga natuha emigisha?

Kugira ngu tugire obufura obutoosha
Kugira ngu Ruhanga Ahimbisibwe
- Nk’oku amakanisa garikuhayo n’obufura turebere garikuheebwa omugisha kuruga ahari Ruhanga. Bakatandika okuruga omubwooro. Kandi okukiraho bakeyongyera okugira obufura bakora neebindi bihaango. n’orugyendo orurikutangaaza orutumire ebyaanga biingi byaruga omubwooro.

- Noteekateeka ngu tukatungire ebirukurugamu ebirikushushana kuri ebikoreso ebirukuruga aheeru nibyo bikoze sibwe.
Tikikabaire kityo – Ruhanga araganiise okuha omugisha abo abarikuhayo batari abo abarikwakiira. Twaaba turikwakiira kusha titukabona emigisha ei Ruhanga araganiise.

Okukoresa empiha ezirikuruga aheru kiine okuhigwa kwiingi munonga. Ekyokureberaho omukyaanga kyaitu abantu baingi tibakayetegyezeza ekanisa. Nibatekyereza ngu ekanisa neyakiira sente nyiingi ahabwaabo kwonka babahaho kakye munonga. Empiha zaheeru kaingi nizireta akavuyo omukanisa. Nangwa n’omukanisa sitaani naabasa kukoresa esente okuretaho okwekyekana n’obutikirizana.

- Kandishi, kutwokuba tutaine bikoreso?
 - Nitukora. Nitweteenga okwigura amaisho gaitu okureeba ebi Ruhanga atuheire. Nimyoga ki erikureebwa omukyaanga kyaitu (abahingi, abaegyesa, abashaho, abombeki, ababazizi)? Nimyooga ki ei twiine nkaabantu (emibiri yaitu, okutekyereza, okugunja, obwiire)? Tushemereire kuta omunkola okugunja oku Ruhanga atuheire.

2 Petero 1:3-5 naagira ati Ruhanga atuheire ebintu byona ebirikutuheisa aha magara g’okutiina Ruhanga naahabweekyo tushemereire kwigura amaisho gaitu tureebe kandi tukorese ebi ekitiniisa kya Ruhanga kituheire.

Okuta omunkora

NA MUGYENZI WAAWE

Teekateeka ahabitekyereze ebyagambirweho omukwanjua eishomo eri. Iwe namugyenzi waawe mutorane bishatu aha bitekyereze ebi, kandi mubishujumemurikukoresa ebibuuzo 9.1 Okushujuma:

1. Ekikorwa eki nikukuhwera kita okworeka rukundo ya Ruhanga omukyaanga? Nenki ekirikubasa kwongyerwaho nari kugaitaho aha kikorwa eki okworeka rukundo ya Ruhanga nangwa n’okukiraho
2. Nibyakureberaho biha eby’emirimo erikubasa kukorwa kandi ekahwa omukiro kimwe?
3. Nibikoreso ki ebirikwetaagwa okukora omurimo ugu gukahwa kandi birkubasa kuboneka omukyaanga kyaanyu?
4. Omurimo ugu niguhindura guta ekyanga kyaanyu? Egi niyo mpinduka ei mukayenzire kureeba omukyaanga kyaanyu? Yaaba tikwe, eki kikorwa kyakahindurwa kita okugira kuyakwata aha kyaanga kyaanyu?
5. Tukamanya tuta ngu eki kikorwa twakikora omukworebera Ruhanga?
6. Notekyereza ngu Ruhanga akaheebwa ekitinisa twakora ekikorwa eki? Tukakora ki okumuhimbisa ahabw’ekyo ekyakorwa?

Eishomo 10: Okutebekanisa ebya okubiba embibo

Ekirikugambwaho Ekikuru Omu Ishomo Eri

Ekigyendererwa k'ishomo eri n'okutwaraho obwiire murikutebekanisa Ekikorwa kya Rukundo.

Ebikozeso

1. Omu Kitabo Ky'omwegi
 - a. 10.1 Empapura z'okutebekanisizaho Ekikorwa kya rukuundo (empapura 3) – orupapura rumwe buri gurupu.
2. Orupapura ruhango rwokuhandikaho oruhereze buri gurupu yabantu 5-7

Entambwe z'okutebekanisa (Koresa 10.1 Empapura z'okutebekanisizaho)

OKUHAANA EBITEEKATEEKO OMU BUGURUPU BUKYE (5-7 PEOPLE)

Okutorana Ekikorwa Kya Rukundo ky'okukora

Engyedererwaho: Tandika ori kushaba abeegi kushoma ebihandikire omu butabo bwaabo aha kutebekanisa ekikorwa kya rukuundo aha kipande 10:1. Reeba kubarebe beine ebibuuzo. Rero obagambire kutandika kutekateka ahu ebibari kubasa kukora nka okubiba embubo. Bwanyima ya edakika 5 obemereze obabuze ebi bari kwenda kukora.

Oreebe gye ngu ebitekyerezo byaabo bihikire kandi nibibasika – obumwe abantu nibagira entekateka mpango bareta ebintu bihango bibari kwenda kukora. Obearangireze kuronda ekintu kikyey. Oku ekintu kirikuba kiri kikyey nikwe kiri kwanguha kukikora kandi kigarugamu ebintu birungi. Abo abari kutandika n'ebintu bihango nibagira ebyabateganisa bahendere nibabirugaho.

Hereza buri bantu orupapura ruhango kwenda ngu bahandikeho ebibari kutebekanisa kukora kwenda ngu babibagane n'abeegi abandi.

Obahereze obwiire oburamara aha kukora egyo entebekanisa

Buri bantu kubarebe niboreka ebi bari kwenda kukora, oshabe ebegyi abandi kuboreka ebizibu ebya kuba birimu kwenda ngu boona babase kukora entebekanisa nungi obayambe kuboreka emyanya ei bakuba batatekatekaho gye.

Obashabire. Obagambire ngu omukwega kwaito okurakurateho nibaija kubona obwiire bw'okubagana obujurizi oku Ruhanga arikukora omunteebekanisa zaabo ezi.

Ebiri Kurabwamu kukora Entebekanisa

Eidara 1: Okushaba

Ekintu kyoshemeire kubanza kukora, n'okushaba. Twara akanya eshaha egi oshabe. Shaba Ruhanga akworeke eki oshemereire kukora kwenda kubiba embibo.

Eidara 2: Okuronda

Nk'abantu musharemu eki murakore nka purojekiti, reeba aha bintu ebimwahandiika omu ishomo erya "Ruhanga n'ayenda ekanisa eyambe" na "nibyetengo ki ebiri omukyaro kyawe". Itwena hamwe musharemu eki muri kutekateka ngu Ruhanga n'ayenda ngu mukore.

Kumuraheze kuronda eki muri kwenda kukora, murebeke ngu n'ekintu ekiri kubasa kukorwa omu kiro kimwe nari bibiri. Kukirabe kitari kityo, nimubasa kuraba omu idara rimwe nari abiri.

Eidara 3: Sharamu ebiri kwendwa

Ekiri kukurataho, n'okutandika entebekanisa okubanza twiine kusharamu ebituri kwenda kubasa kukora ekintu eki-- Abantu aba turi kwetenga, ebikozesibwa ebiri kwendwa, orusa, n'ebindi n'ebindi kworabe n'oyenda kutekateka ahari eki, n'obasa kukoresa orupapura rw'okukoreraho oruri omu kitabo kyawe ky'okushoma. Ku oramare kwijuzamu omu kanyerere k'okubanza ori kutekamu ebi orikwenda aho n'obasa kusharamu omuntu orakore kintu ki, kandi n'obumushemereire kumaririza.

Eidara 4: Handika Entebekanisa

Ku oramare kutebekanisa ebintu byoona ebi ori kwenda n'obasa kuhandika entebekanisa ori kworeka ebiro kwenda ngu omanyane n'oha oshemereire kukora ki kandi ebiro bingahi? Ronda omuntu araye bembere purojekiti. Omuntu ogu ashemeire kumanyisa abantu eizooba ritakahikire, akabamanyisa ngu beine kumaririza purojekit yaabo kandi okababuuza kubarabe bariyo nibagikora, kubarabe beine obuzibu bwona, nahubari kwenda obuyambi.

Eidara 5: Shaaba

Ku oramare kuhandika entebekanisa, twara omwanya ogaruke oshabe. Shaba Ruhanga okuyambe kumara projekiti yaawe kandi omushabe abazemu ebirarugemu kwenda ngu eiziina rye rihabwe ekitiinisa. Omu sande eibiri nari emwe kumurabe nimutebekanisa Purojekiti yanyu mushemereire kushaba ngu Ruhanga abayambe omu Purojeti yanyu.

Eidara 6: Kora Purojekiti

Ekiri kukurataho n'okukora Purojekiti eyi otebekaneise. Tandika eizooba n'eshara kwenda ngu ebi ori kukora obiheyo ahari Ruhanga. Ijuka ngu n'okora ekintu eki kwenda kworeka abandi rukundo ya Ruhanga. Gyezaho kworeka enkora eri kugyenda n'eki Ruhanga arikwenda.

Eidara 7: Yechebere kandi oherezayo ebirugiremu (Rupota)

Eidara rya ahamuheru n'okwechebera kandi okaherezayo ebi rugire mu. Ahabwenki tushemereire kwechebera? Niki tuyamba kwegu, kuteekateka aha bituri kukoragye kandi tukareba ebi tushemereire kwongyeraho omurundi ogundi. Tikishemereire kutwara omwanya muringwa, n'obasa kutwara akanya kakye kuraba omu bibuuzo ebi:

- N'enki ekya gyenzire gye?
- N'enki ekitara gyenzire gye?
- Nibintu ki ebituri kubasa kuhindura aha Purojekiti egi?
- Ebya rugiremu bikaba biri nka oku wabeire n'obyenda, kukira be kitari kityo, aha bw'enki?
- Ruhanga aka habwa ekitiniisa?

Omwegyesa ayiine eki ori kubaza kwijuzamu ebirugiremu. Ahabwenki nitukora rupota? Omuri Mako 6:30, nitureba ngu abeegi bakagambira Yesu byoona ebi babeire kakoziye. Nitukuhereza omugisha kubagana ebi tukoziye kandi ohereze obujurizi bw'oku Ruhanga aku koreize. Nikihereza ebegyesa kureba kaharabe habeire hariho obuzibu bwoona babase kukuhereza kurungi omurundi ogundi.